




趙州屬邑志

22.6213
4932.0732-4
12



Kodak Color Control Patches



Cyan
Green
Yellow

趙州屬邑志卷四

人物

忠烈者壽

孝義封蔭

文學科目

方技列女

上卷摘錄各邑舊志此二卷據本年採訪冊編輯

忠烈

魏毓秀世家子習儒明崇禎戊寅邑被兵城陷賊執其母

毓秀哀求以身代果釋其母而撻之立斃其弟立石墓

側記其事

魏業講廩生故相文毅公七世孫粵匪陷城時偕胞弟文

生業註罵賊遇害事聞 恩賞雲騎尉世職令伊子庠

生肇元業註子培錦承襲兄弟共入祀忠義祠

李維祺文生粵匪陷城時巷戰而死事聞入祀忠義祠
恩賞雲騎尉世職

李朝聘率子孫五人禦賊戰歿會否 題旌無考

冀汝梅字和羹邑庠生母死未葬父老失明粵匪陷城梅
厲聲叱曰爾何人敢至此罵不絕口賊怒縛之梅仰天
罵曰恨不得盡殲此輩耳任賊分裂尸骸無存

李朝璧爛武畧粵匪陷城時率子武生廷魁廷俊廷秀姪
廷弼廷柱孫振槐與賊巷戰斃賊無數力竭一門殉節
陳英傑武生粵匪陷城時手刃二賊力竭遇害同時陣亡
者有武生趙萬選劉慶雲文童魏啟蒙呂士傑李振鄘

武童胡大壯胡文瑞宋蘭亭周文郁刑書魏官生門軍
江來成李丙寅門斗孫士秀楊作霖民勇劉開基劉全
喜李滿成李保李晚子路考成張福鄭全喜崔三周六
李五趙喜保趙二小郭福元李記元李三明明劉十月呂
新年呂四武二黑王五妮姚春生賈庚兆穆洛貴魏久
世呂鵬遠賈六賈明胡保保魏蘭李秋黃四魏連桂魏
鈴周兆熊魏尙志薛洛振郝明亮郝全福李雙楊假妮
李小黑謝造成朱喜順王年子魏金安王春賈洛登楊
二甲張殿邦周煥一盛四官趙麻子苗進城張七薛超
羣壯役王生林董廷魁張坤俱矢志殺賊力竭捐軀事

聞已分別旌卹

鄔客生縣中幕友係浙江慈谿縣文生粵匪入署被執罵

不屈遂遇害事聞 賜卹 以上咸豐三年事

同治二年三月初一日東匪犯高邑縣擾及柏邑所屬

之正元寺等村殉難紳民婦女載列百餘人姓名詳後

常清和武舉人居正元寺村與高邑界毗連馬賊犯高邑

東偏高令畢公約清和截殺遂手持長刀毅然赴敵斃

賊無數賊勢猛甚被圍逼降罵曰吾死決矣力戰不怯

被重傷仆地賊疑已死棄之去其兄負之家敷藥不效

曰吾生不能為 國除賊死不瞑目矣遂卒同治二年

五月奉 旨旌卹

李兆熊卽李清輝庠生東匪犯境與胞弟增生兆鳳均被

執兆熊為弟乞命哀懇再三賊終不許兆熊語弟曰弟

既不免我何生為願同死後同被戕同治二年五月

奉 旨旌卹

劉法孔監生趙玉會九品銜當東匪竄擾時均率眾助戰

眾寡不敵罵賊捐軀同時殉難者復有黃進忠李傻子

趙大妮李喜秋趙鳳趙恰趙虎趙皂成趙牛趙元劉五

黃六劉見臣劉正李海子連五均正元寺人李大用李喜麟

李根造李永香李福住馮定邦武新房李生瑞韓二保

韓牛武廷俊武貴良江三元李歪子江得子江喜貴孔

閻子江二小江三靳望士張香均北江村人趙冬堂趙學成

趙二小趙五趙奎趙喜文趙洛行趙洛吉均小京村人張

儒北馬村人魏喜明武從武曾雲均三十里舖人張芳郭二小

均東施莊人劉修身劉干年馮二小馮梳子劉三氣包馮卷

子均西施莊人孔繼江孔繼真孔昭勤孔皂孔雙孔憲良孔

玉道孔憲榮孔亮孔住孔繁楨孔二柏孔行孔孝孔二

和尚孔合孔慶太孔二黑孔四孔升保孔喜得孔黑小

孔憲平陳清李連張馬張牛張騾韓寬楊有楊丙辰楊

大妮楊福全楊二旦楊俏楊順心均西蘇村人常遇秋南魯村人

李士純常貴花李清中魯村人郝玉廷郝玉堂郝文生郝全

福均東小京村人以上或結團守禦或遇賊接仗俱力竭陣

亡勇於赴義同治二年奉 旨分別旌卹以上柏鄉縣

李文行隆平縣人素業儒咸豐癸丑粵匪犯境文行挺身

與鬪遂被害越日殞殮手猶執劍貌如生

高執中隆平韓莊人王子科武舉賦性剛銳咸豐三年粵

匪陷城執中舉箭射賊殪賊數人賊大至遂遇害

范英俊字秀卿前科武舉咸豐三年粵匪陷城公奮力擊

賊斃賊二名賊呼擁向前圍其宅父三元子英傑老少

十餘人並殲邑人至今悼之

董有才咸豐三年八月粵逆至境罵不絕口死同時殉難者武舉楊清傑廩生李成德父上達庠生楊森楊煜楊思澍楊溥楊泰安楊清魁程文芳李魁武庠生王瑞昌張純德張氣鵝監生蕭玉如楊德英

化連貴母楊氏病同治二年賊至連貴守母不去且鬪且罵因被害宋文炳亦於是日殉難

張緒宗字起孝武庠生素性慷慨治家嚴肅有子三人長宏聲太學生次宏量咸豐壬子科武舉官都司三子宏英太學生孫玉虎同治乙亥恩科武舉同治丁卯流賊入村公年近七旬猶獨戰數賊毫無懼怯及被害越

日面色如生今子孫繁衍功名林立稱右族焉

張廷傑邑庠生帖括而外兼精醫術同治六年六月下旬流賊陷村被執不屈身受數刃卒

張廷愷字勝元咸豐乙卯科武舉從遮經畧於大名府累立戰功流賊竄擾村墟公率眾迎擊手刃數賊賊叢集遂遇害

陳洪昌武庠生勇敢有爲同治六年與賊戰遇害

李鳳鳴字岐山爲人敦篤子三人桂芳春芳蘭芳同治六年賊入境父子四人與弟振綱并及於難

陳際昌字逢時增廣生賦性肫篤習岐黃術同治丁卯之

變被執罵賊賊鬻殺之

陳師節前蓮子村人少有膽力流賊入境身撻數刃猶戰不少怯及被執罵不絕口死

張鳳元字岐山有胆畧流賊陷村與賊戰於巷死之

張國祥邑庠生有子愷元桂元震元賊入境俱以死自誓力戰遇害

張宏昌增廣生屢薦未售博通經史精岐黃術排難解紛一鄉賴之丁卯之變投井而死

張貴清年七十四歲猶有俠烈之氣賊入村約鄉人守禦寡不敵眾遂遇害

張廷相字弼材母久病賊入境母曰可速逃無顧吾公不忍離死於門內

張廷獻字珍甫賊入境戰歿無子以姪邑庠生書紳爲嗣張玉清增廣生性磊落誨人不倦同治丁卯賊入境公年逾七旬擊案罵賊十指血出賊怒焚其室肢體灰燼同

治十二年轉詳具奏奉 旨入忠義祠

陳清明張宏緒張玉臬張安泰與賊戰遇害

張起順太學生天性豪俠里黨倚重流賊陷村與長子宏勳並及於難

張宏綱張宏學陳永新並前蓮子村人流賊陷村被執不

屈死

張國賓張國楨張文安張佩麟俱罵賊遇害

刁懷珍後蓮子村人流賊入村懷珍持械擊賊賊怒而殺之子學文爲賊所縛以齒齧賊臂血出賊大怒以刀砍之毫無懼色身受數十刃而卒

刁學書刁俊德俱邑庠生教授爲業流賊陷村不屈而死張宏勳太學生天性肫篤率村人禦賊力竭死之

張儒中張壽芳刁藏玉俱罵賊殉難

刁富全太學生執戈戰數賊於巷與子國學並及於難

刁璣字懷玉平居以孝友稱丁卯之變二兄遇害公切齒

思報手刃三四人戰久力竭身無完膚遂卒同日殉難者張元龍監生張宏仁張成義監生張福全張新子張討氣張來臣張金城張大厦張二白張領三張白子陳建章陳清皋陳清質張清明陳玉祥刁璋刁如陵刁廷學刁宏學黃希武黃成玉黃洛遠黃根黃三黃堂子黃殿魁黃紹先黃全雲黃拴住黃隨貴黃黑子黃記三黃滿喜黃二氣黃景亮黃滿圍黃隨廷黃全量黃仁全黃德盛黃合祥黃勝魁黃不代見黃牛黃尖子黃儒珍黃五現黃文祥黃興成黃小羣黃有年黃喜明黃冬黃二名葛紹孟葛挪房范新房宋德彰劉鎖成劉門樓常黑

狗張和尚郝尙禮郝白子郝廷選郝一把郝振魁程安
子米全福賈秋生賈文燦刁廷新刁小臧刁小元刁承
恩刁大春刁景元刁宗孟刁小六刁文選刁富元刁自
福刁滿喜刁開陵刁玉黑刁玉珩刁小廉刁占喜刁清
麟刁藏珍刁廷清刁宗孝刁廷治刁玉台刁喜台刁崇
學陳福祥陳營昌陳向義陳福昌陳鳳昌陳毓昌陳六
毛陳文明陳文智陳師有陳師傑陳師俊陳和尚陳安
子陳隨心陳根生王廷俊王大元王二元王小黑王握
樓王希珍王廷魁王連科王成三王報王四王繼德侯
立中侯立德侯雙喜侯新月侯桃氣侯守貞侯二黑侯

卯子侯洛待張玉心張小侯張二磨張仲德張根張鳳
廷張同雲張長福張勝保張明親張小莊張小白張小
春張明文張大興李振傑李振魁李振鳳李振國李振
才李振綱李振祥李振德李二混李秀元李天祿李心
平李玉心李清華李牛子李舍子楊進修楊二明史廈
禾董滿子張桂芳張廷元張鳳儀張鳳祥張德祥張守
謙張鳴山張五子張全孝張順心張先成張愷元張二
元張振元張分成張殿元張守敬張宏俊張廷蘭張宏
泰張明心張學子張宏傑張國英張國祥張得龍張宏
緒張太平張隨子張順子張廷龍張玉皋皆於同治六

年誓志殺賊搏戰竟日力竭遇害

王如芝字香圃廩生學有淵源屢試優等同治七年捻逆

北竄公避難南魚堡堡陷公被執賊慕公儒雅再三誘

降公曰吾食餼膠庠豈肯污身賊黨切齒怒罵遂遇害

時正月初六日也

楊清皋字月鄰州庠生邑楊家窰人生平剛正自持惡惡

獨嚴同治七年捻匪至欲擄公去公不從賊強之行公

怒罵賊以矛刺之臥地至死罵不絕口

檀春德檀家莊人同治七年捻匪至春德力戰殺賊數十

人賊怒矢發如雨力竭遇害

馬振隆邑人同治七年捻匪擾鹽山振護城力竭而亡

縣志

檀保齡檀家莊人王成名王家場村人同治七年南魚寨

破殉難以上隆平縣

李凌霄字步青高邑人馬賊之亂凌霄仗劍為前驅與知

縣畢世榕同殉焉奉

旨附祠同時殉難者李煥劉丕宗庠生王天錫任希天柏

鄉武舉常清和監生劉法孔高邑鄉民李夢春李常劉

黑毛李亮王堂夏得功任玉衡劉福祥于世彥王近勇

李銜李羊李喜得李麥熟郭士敏郭成德陳二小主假

走州志 卷四 九
妮張黑小張玉趙盡善趙和尚李三王成林李近張三
王二黑李玉琢朱雙成劉保清魯元劉大眼劉長安劉
茹曹和尚張趕年楊貴生李二小李刁張長壽單元馬
得子張連張金和高福有劉二和尚劉堂李開春陳貴
張二鍋子程黑子任鳳鳴秦毛馮玉明王得壽王福洪
高二胖高孟雲高五高香張胡子高有印馬安賈嘴眼
李煥成楊堂王待成周二妮張黑小張有成韓芳王六
王合心王榕王二洛呆張恭馮洛魁魏傻子周洛茂王
義任志合趙貴良牛成保任貴良任洛通任計宗任位
天任熊任成任晚成任進忠谷五趙本任平心任洛善

耿孝成耿皂谷洛齊谷洛萬李傻子李德子趙洛昌趙
恰趙牛黃進忠黃六劉正劉見臣趙虎楊皂成劉五連
五趙元趙鳳王福宏共一百二十二入 以上高邑縣

張弼明甯邑人子蘊清俱邑庠生明戊寅之變父子並殉
難

孫嘉會邑庠生甯邑白侯村人素行端方同治二年捻匪
經其村索金帛弗答承以刃弗動但罵不絕口遂遇害
時年七十有三而志氣卓然如此其素行可見矣庠生
耿郁文靳實穎亦及難

楊際春甯晉遷善村人年二十九歲捻匪經其村楊率眾

力擊斃前鋒馬賊數人賊擁而前村眾逃散楊隻身直前又斃數賊賊首怒曰豎子倔强若是必生致而甘心焉揮眾圍之力盡被執遇禍尤慘

郭玉香甯晉裴家莊人鯁直忠誠鄉里推重同治七年捻匪至人皆逃玉香以其家有闔村公備錢米器具固守弗去賊至玉香曰我所有任取携公存物弗敢與也賊弗聽玉香憤極怒詈且持械與鬪死

趙文清甯晉米家莊人素性篤厚世代書香至文清因貧廢學傭工自給同治二年捻匪自南來值文清御車以出與賊遇被繫以去在途遇鄉人猶告以車所在處托送歸兄家曰吾不能歸矣是夕遇害

盧福羣盧鳳岡遷善村人褻裔不從與王有德楊際春同時死監生趙純明與孟同德率練勇禦賊力竭殉難

李福蔭齊家莊人饒膽勇賊執其父索馬弗應殺之蔭于刃殺父者並及旁賊賊圍不能執牽繩絆之仆地縛樹上攢刺之傷如蜂房而死

趙文思北近村人性樸誠傭於東陳村楊姓同治二年捻匪肆擾與其主避亂於外中途遇賊文思奮力與鬪死吳開方甯晉高莊人性直誠傭於鄰村周嶸家勤慎正直同治七年捻匪自南來聲勢浩大眾迫之同逃弗肯聽

竟死於賊主人厚葬之並囑子孫歲時至墓所祭掃
駱洛通白豆村人與賊抗傷數賊賊圍而殺之

李黑丑雷家莊人賊至持刃加頸以索馬丑揮刀砍數賊
賊圍而殺之

石福林翟村人同治七年捻匪入其村人皆逃林母病守
之不肯去賊至不屈死

楚文傑馮家台人好排難解紛凡義舉必躬先倡率同治
七年捻匪入其家文傑端坐責以大義賊疑愕未卽肆
威適賊黨攜婦女過其前怒不可遏拍案肆罵遂遇害
王文學孟黑旦王存孝孟大度俱固下村人捻匪至欲保

護其村與賊鬪力窮見執賊愛其勇勸使降皆怒罵被
害

韓順魁大召村人有勇力捻匪至令切草秣馬卽舉刀劈
一賊死賊攢刺之

石守忠太學生大南里人同治二年罵賊不屈死

趙馬達魯拴住孟村人同治七年守寨殉難

竇永祺監生大楊莊人同治七年賊破寨極口肆罵死之
巨文明巨文元巨金偉巨小蟬巨九旺巨九來巨小三巨

偃武巨臣武竇鏡薛丑癸王小夯王申竇固焦聰湯延
賓俱大楊莊人禦賊遇害

趙州志 卷四 三
賈二和及橋村人同治二年拒賊死

趙盛保趙造成均南蘇村人同治二年擒匪至方芸田各執鉏迎鬪傷數賊賊圍而殺之至死不怯

董毓植黨景舒東陳村人同治二年罵賊被害

喬玉琢喬家寨人同治二年與賊接仗死

崔尙勤邊村人同治二年拒賊殉難

李俊清龐莊人同治七年殉擒匪難

李福和靳如協崔官莊人同治二年擒匪猝至其村力戰死之

王慈王胡弄俱史家嘴村人素性剛直同治二年賊至挺

身直前且詈且鬪遂及於難

周五杜包賈家莊人趙恆信大落痘村人貢生段占魁段羊盃人同治七年罵賊不屈死村人關逢春亦與賊相抗死

馬尙協馬英雄馬清元俱侯家莊人拒賊殉難

王福勤蘇家莊人與賊格鬪力竭被害

耿洛占雷家莊人匿戶傍賊入揮刀斬之羣賊至力戰死盧黑旦盧大年屈家莊人鬪傷數賊力竭而死

晉文秀白豆村人避亂至蘇家莊助眾守寨一賊登陴手刃之寨破殉難

王金聲王金槐俱蘇家莊人殉捻匪難

耿洛靈四芝蘭村人賊初破寨寨長耿洛殿殺賊奪馬賊遷怒而肆虐焉故殺傷尤多耿洛靈被執不屈死

張胡開耿洛南張傑張洛義耿洛志耿洛富時仁時禮張榮太張榮和孟小蓉俱四芝蘭村人寨破同時死

王白炭王保住王石錘俱浩固村人合力斃賊十餘人寡不敵眾卒皆死焉

張自愛性剛直與賊值極口肆罵賊怒斮割之

陳大喜李坤遇賊勸降不從至死罵不絕口

石甘霖監生大南里村人李連趙鳳何燦趙紀趙啞叭杜

大儉俱辛豐頭村人同日死

以上甯晉縣

孝義

趙至剛柏邑人慷慨好施明初歲饑賑濟前後出穀至萬

石子文禮爛習詩禮尤精律法授知縣未仕而卒

趙全柏邑人明宏治間歲歉出穀救饑至數千石縣令具文請獎懇止之爲公評所重

王亮柏邑人九品銜世居龍華村歲歉貸其錢者約四千餘緡亮悉焚其券義聲遂動里黨子鳴玉理問銜誥封奉政大夫仰承父志慈惠好施歲饑出穀數百石爲食於路全活甚眾孫鳳岡戶部廣西司主事親老請假歸

養居家孝友胞弟鳳廷早故教四姪如己子俱成名歲
饑煮粥以活流離舍義地以葬饑殍前後施棺具五十
餘鳳廷兄鳳振五品銜性至孝亦能曲體親志宗族鄉
黨咸被周卹傳家忠厚至今猶藉藉人口云

武敬之字道衍邑庠生少負異才有至性父壹桂卒食不
下咽者數月事孀母尤謹母卒命工繪父母像供養如
生逢諱日齋戒赴墓哭奠訓弱弟孤姪俱成名及門成
立者數十人子有芑廩生孫應奎戊子舉人

安國治石家莊人性至孝父出遊風沙驟起迷不知途治
在家忽心動往迎之見東北三里許有燈光治隨行隨

呼若有應者果至父之臥處沙磔塞口鼻皆滿奄奄氣
絕矣治負歸移時始甦人歎爲至孝所感云

以上相
鄉縣

閻中立隆邑人廩膳生事親以孝聞父老多病則踰浣濯
之事皆身任之始終不懈父卒號泣如孺子慕與人交
勸善規過喻以大義潛弭其隙士類敬服

李道存隆平人邑庠生慷慨好施凡親友鄰里有不能婚
葬者悉仗助之同治二年倡捐二百金爲修城用邑令
保舉六品銜公笑辭之子繼泰周急濟貧能繼父志時
論賢之

李輝祖太學生侗儻好施嘉慶年間歲荒祲饑民嗷嗷公

首捐二百金以爲倡邑侯給匾額以旌其門

檀林生檀家莊人好善樂施道光初大水居民乏食公出粟數千石棉花二千斤散給鄉人歲豐有償之者力辭不受壽九旬而歿人以爲積善之報

賈鳴岐太學生性好施濟咸豐年間歲大饑東作時佃種無資公出粟數十石酌量散給不責其償事聞旌其門白茂齡白殷馬人歲饑冬大雪人皆凍餒卽出薪米散給之並無德色鄉里賢之

郭名忠太學生仗義輸財光緒四年歲饑出高粱百石散給鄉人遠近賴以有秋後三子皆遊庠人謂樂施之報

張方煥附貢生道光七年捐穀二百石邑侯給匾旌其門李青雲西舖人太學生事親至孝始終勿怠凡有修造廟宇書院諸義舉毅然身任之未嘗告勞年八旬有四終邑人思慕不置焉

高雲會韓莊人太學生輕財好義有韓姓者殯葬無資悉以已財助之後韓姓少康以財償之不受時論韙之

李松齡西關人太學生性慈仁冬施衣夏施茶且頻年施眼藥不倦居近河每水漲時自搭板橋渡人城鄉便之趙存仁西舖人太學生精通韻書事親孝奉盤沃匪畧無倦色子孫亦皆恂謹受家教

白政舉字存人每雨潦積雪必平治道塗後年衰猶顧人代爲葺理生平無疾言遽色有犯之者亦不與爭今子孫繁衍有聲黌宮人咸謂積善所致

張宏量字寬甫咸豐壬子科武舉官都司天性純厚每以負屈能忍爲高排難解紛不憚勞動至助喪助婚更難枚舉邑宰鄭左汪趙諸公皆耳其名公雖未精儒術而胸中早具一恕字迄今人煙蕃盛功名林立皆盛德有以致之

王琴堂增廣生同治六年土匪滋擾公舉辦團練傷賊無數出貲財倡修土寨鄉人賴以保全同治十年又繪塗

灃兩河全圖獻於趙公公賢之

以上隆平縣

王甸高邑人康熙五十二年知縣張瓚創建趙忠毅李文節二公專祠甸捐地二十九畝爲祭田邑人賢之

張勞謙字服萬甯邑舉人任懷來縣教諭居家孝友秉性敦厚口不言人過失子孫偶與人爭必痛責之至所爭之曲直弗問也闔邑欽其德量公舉鄉飲大賓

張爾雅太學生與弟爾恭居家孝友和睦成風名其堂曰百忍自乾隆至道光百餘年男婦近百口同居無間言鄉里賢之比於張公藝

沈恆字如月甯晉縣路前村人庠生事母盡孝兄弟間怡

走少元
卷四
怡如也田圃所植任人竊取久而人皆不忍竊其物歲
饑貸與鄉人錢米概不責償鄉鄰有爭競者望其來不
禁自解日以詩書課子孫七旬餘手不釋卷

樊維新換馬店人家貧而性正直在路拾錢票數張訪知
本人還之失票者酬謝分文不取

崔廣學邊村人乾隆二十八年三十三年兩次捐重貲賑
災全活甚眾

張舒泰小曹莊人倡捐本村義學

趙可大監生與生員盧祉于宏仁均胡大剛莊人康熙年
各捐重貲於本村創建義學

孫祇修奮修甯晉趙村人兄弟五人皆庠生父增廣生名
瑞旭爲盜所戕兄弟携手上訴盜以重賄陷當途祇修
等坐誣告之罪跪鐵鍊至膝骨盡露誓死不回後值撫
院于公出都道旁呼救以狀聞寃乃得雪捕盜正法祇
修兄弟以賊首級祭父然後會親友改葬服斬衰三年
此康熙年間事其子孫諱不忍言而鄉里欽其孝行至
今猶傳述之

李克竹橋口村人性孝友強暴輩攘奪田禾兄克謙與忿
鬪傷人致死克竹在外貿易聞之急歸曰兄年長恐不
堪刑獄之苦且事父母久一旦不測恐傷親心弟宜代

之卽詣縣自首一切力承鄉里義之以狀白其寃者二十餘村邑侯廉知其情從輕定罪遇赦得歸

高溼甯晉人性至孝而家貧親病割股以進親食之疾愈邑公董公聞其事曰割股非真能瘳疾也貧難醫藥孝子急迫之情感而通也旌其門曰誠能格昊

趙鴻鳴甯邑人太學生性孝友父文光武庠生年八旬餘鴻鳴先意承志曲體親心母陳氏年亦八旬素孱弱鴻鳴曰侍側七箸枕簟必躬親之偶出遊歸卽急趨親所睹狀稍不適卽惶恐涕泣鄉里欽其孝謂文光夫婦享高年孝子扶持之力也

夏如春小河莊人讀書聰敏性至孝侍祖母疾衣不解帶者二年留心藥餌因通醫術祖母卒父旋病侍疾勤苦更甚於前竟以憂勞先父卒邑人哀之稱爲孝子

李文德少業儒隄里村人事親極孝父與鄰不睦文德勸之觸怒被逐田產一無所與文德與妻僑居鄰舍傭力自給糟糠餬口每日早暮至父所定省父有時仍加箠楚但順受之父年老好入市遊輒扶掖以行飲於酒肆侍側弗暫離市人皆稱之呼爲孝子

高拴住褚家莊人母疾割股以奉母歿創未合葬時鄉人憐之皆踴躍與其母之柩拴住匍匐號泣以從

孫雲河渠人弟歿托孤於雲雲盡心撫養愛姪之情倍於其子鄉里稱善

喬守身喬家寨人九品銜性謹厚富而好施母病醫藥罔效守身惶急每夜匍匐佛前徧禱村中廟宇以祈母平安病果愈如是者積三十年母卒乃止平時修橋廟善舉甚多

李廷英邑庠生性樸直初不得親心見逐於其父廷英引罪自責積誠感格數年之久父亦泣悔會親族與以田產由是鄉里交稱其孝

李天顯龐莊人幼時其父母逃荒於河南母死父歸閱數年天顯詢知其事寢食不安隻身往返二千餘里尋母尸歸葬年方十七歲其天性之篤如此

高士明字紹賢國學生八品銜郝莊人性孝友好善樂施親老督率其妻侍奉惟謹親歿嘗以財贍給甥家使無失所族黨貧不能葬者皆代治葬具歲饑分財與餓者又嘗施藥濟人全活甚眾鄉里感其義公送匾額至今稱之

以上甯晉縣

文學

張新猷柏鄉人康熙戊辰歲貢選盧龍縣訓導辭不就抱道以終著周易註釋等書後人爲立墓碑有濂洛關閩

直揭心源等語

呂紹端乾隆丁卯副榜壬申

恩科舉人幼敏慧好學九

歲卽工詩十五歲遊庠喜臨池工褚歐筆法著有大友
堂文稿槐陽雜詠等集

白德溫字潤生柏鄉縣貢生少有大志號其別墅曰光裕
堂終身手不釋卷嘗曰人生斯世奄忽數十年耳要想
過人惟有讀書一着與同邑進士楊宏聲舉人呂紹端
爲道義交及門成立者數十人子孫亦皆入庠著有光
裕堂文稿待梓

邢廷煥字光陞優廩生居家孝友撫孤姪如己子經史無

不貫通尤精於易邱邑侯見其文奇之以爲淵然有經
籍光督學楊公考優生深器重之

以上柏鄉縣

杜田之字甸南隆平人希畛子癸丑科進士刑部員外郎
在部十餘年不尙嚴猛惟以欽恤爲念致仕歸生徒輻
輳經其指授率掇巍科以去博學碩德至今猶稱贊不
置云

馮慶長字培之戊辰科進士以知縣分發河南到豫卽奉
李中丞檄赴息縣辦公時擒匪初平伏莽尙多道路爲
梗公素負膽畧單車就道所至陳國家威德曉以大義
梗道者皆投戈以去事竣旋省大爲中丞所獎許嗣以

趙州志 卷四
太孺人年高告假歸養主曲周書院講席衡鑒詳慎文
風大振丁艱歸居林下十載足未嘗履城市間作詩文
以自娛涉獵之餘尤邃於醫治病每有奇驗年五十四
歲卒

董鳴韶字儀庭隆邑陳村人父文徵官通判豪俠重義公
以選拔中甲午科經魁後援例入內閣中書改主事籤
掣刑部廣東司內敦孝友外肅官方持身清儉泄政精
勤凡有疑案皆細心研究認真襄贊同列皆服其廉正
著有會心堂課草鳳池日記

黃淑字慎齋道光乙未科副榜咸豐乙卯科舉人授樂亭
縣訓導憐才心切諸生月課文藝點竄無異塾師邑人
士皆嚴事之致仕歸授徒講學一時工文之士如彭孝
廉祥林等多出其門生平篤於友誼月溪劉公公塾師
也歿後葬死瞻生皆身任之且捐貲刻其鋤經堂遺稿
杜心農官京師資斧不給傾囊相助歲饑捐粟賑貧全
活無算暇仍翻閱經史旁及百家說部至濂洛關閩之
書尤服膺終身年踰七十終日危坐手不釋卷蓋好學
之功久而彌篤云

黃瀛字仙舟廩貢生讀書識大體嘗讓產於其弟修祖塋
立祠堂置祭田立祀規並家訓數條刊石垂後集紳耆

講鄉約村氓陰受其福邑中修至聖廟修書院皆捐貲以爲之倡居平刻苦力學屢薦未售子樹桂由選拔登賢書得力於庭訓者居多創立親仁義塾貧士皆知向學捐粟賑飢至老不倦其子敬承厥志歷久勿替則公之垂裕未可量也

趙履豐字裕齋貢生攻苦力學教授生徒不少寬假門下多成立者子溫如廩生孫延世增生曾孫允文廩膳生皆好德而文能世其家同治十年邑侯趙浚薦其學深品粹士林之首督憲轉詳禮部奏請奉 旨恩准入祀

鄉賢祠

李恆茂歲貢生性姿樸訥學問深純諸生有越度者厲言相加卽爲改行教授數十年及門成立者數十人

程永堂字季夔優貢生事親以孝聞與江南胡公寶晉相切劘文思日進公學問根柢經史詩賦上溯蕭選古文辦香南豐時文酷嗜膺東老人工字學片楮流傳學者僉寶之如拱璧焉

楊希曾隆邑范莊人廩貢生初署邯鄲南皮兩縣訓導後授保定府府學訓導雅度謙光飲物以和獎拔人才恆如不及如廣平胡太史景桂孟太史慶榮爲孝廉時皆賴公推薦遂得知名省垣生平廣交遊重然諾好談節

義孝弟事至鄉曲孤嫠力不能自達者尤加意闡揚惟恐湮沒秩滿考驗上憲以五項補用保薦丁艱歸開挖澧河多方勸導鄉人悅服至留心醫術投方立效猶公之餘事云

岳九如歲貢生品端學邃房薦四次未售子孫皆入庠年六十四歲卒

武心田 恩貢生有幹畧嘗從余公承恩勦撫保舉教職不就以課讀終以上隆平縣

周鈴字小鸞甯邑周家莊人少好學精思不懈中道光庚子科經魁帖括而外兼工雜體麗句清詞迥出流輩班

香宋豔妙造自然所刻綠雪山房詩賦各數十首遠近傳誦因足疾難預館選遂絕意仕進遊其門者皆稟經酌雅富麗爲工無空疏齷齪之病趙郡數十年來著述甚少公各體俱工銀板流傳俱能膾炙人口洵稱此間巨手外又有學庸講義霓裳仙詠評註諸書行於世

方技

曹士法隆平人邑庠生入泮後留心岐黃家有醫書數十種公終年披讀無間晨昏手輯經驗良方成帙濟世活人耄老不倦縣尊席元榜題贈道通作相匾額四字享年八十二歲同治十年邑侯趙浚保薦蒙督憲轉詳禮

部奏請奉 旨恩准入祀鄉賢祠孫汝正字慎修邑庠
生能紹家傳診病立方無不立效可謂世濟其美矣
崔懷英隆邑南吳瞳人邑庠生潛心醫術數年脈理精通
內外兩症投方立效活人無算著傳家救世文付梓鄉
人感化者甚多至今芳型懿訓猶稱道不置云
蘇仙巖隆邑蘇家莊人乾隆時入山學道隱於鴿子嶺同
治七年捻匪之亂託鉅邑布商告鄉人築寨防守捻逆
至現形寨垣上執旗指麾甲仗森嚴賊見之遠遁鄉人
感其靈異立祠祀之

李崇德甯邑北留村人居家孝友好善樂施精岐黃術活

人無數

耆壽

翟三樂字慶吾柏鄉人康熙五十二年壽八十五歲赴京
與千叟晏 賜黃衣一襲銀八兩

張玉堂國學生八十二歲一門武科曾元林立親見五世
同堂

趙其清柏鄉人傳家忠厚五世同堂儒學李郝送匾額曰
花甲重周縣令松題額曰南極兆瑞督學周題額曰熙
朝人瑞督憲李題額曰五葉衍祥

楊其祥字瑞徵隆平人天性孝友澹然寡營享年九十六

趙州志 卷四
歲性愛菊灌溉不憚勤勞邑宰保舉六品銜且以楹聯贈之

孫果甯晉白侯村人素行敦厚家風勤儉鄉里推重享年九十九歲五世同堂咸謂其厚德致福其子監生智崇享年九十五歲亦五世同堂親友公送堂額云世濟其美

呂疑南周家莊人壽九十二歲恭敬謙讓品重鄉閭

王玉大陸村人壽九十餘歲勤儉忠厚四世同堂人謂福德兼備

徐鑑大召村人邑庠生品行端方傳家忠厚壽八旬餘

施得珠大召村人性閒靜葬親後二十餘年杜門不出同治年間捻匪入其家責以大義賊聞旋步出門一無干犯人皆異之是年八十四歲閒靜如常

封蔭

董文徵

以子鳴韶誥贈奉政大夫恭逢

覃恩晉贈中憲

楊立能

以孫希曾贈安人
妻郭氏贈安人

楊世考

以子希曾贈安人
妻陽氏贈安人

楊世芳

以姪希曾贈修職佐郎
妻曹氏贈人

張文敬

以孫宏量贈昭武都尉
妻屈氏贈人

張起孝

武庠生以子宏量贈宣武都尉
妻黃氏贈人

張起順

從九品以姪宏量贈武德騎尉
妻王氏繼妻尹氏並贈人

張起德

以姪宏量贈武德騎尉
妻刁氏繼妻崔氏並贈人

張肯堂

太學生以子廷愷贈武德騎尉
妻李氏繼妻李氏並贈人

直州志

卷四

屬邑

封蔭

三

張廷俊

太學生以弟廷愷贈武德騎尉
妻白氏贈宜人

張宏禮

太學生以子玉瑛贈武德騎尉
妻黃氏繼妻董氏並贈宜人

張宏聲

太學生以子玉虎贈武德騎尉
妻籍氏贈宜人

張宏英

太學生以姪玉虎贈武德騎尉
妻謝氏贈宜人 以上俱隆平人

靳秉璋

順治丙戌科進士丁亥科殿試授山西長治縣知
縣順治己丑姜瓖叛寇起大同直趨潞安守城殉
難至嘉慶七年始奉 旨查辦議給恩騎尉世職

荆玉璞

道光丁酉科副榜候選州判馬賊殉難加贈都察
院經歷銜並蔭一子入監讀書期滿以縣丞註冊
候選

段占魁

貢生殉難議給雲騎尉

王翥南

庠生罵賊殉難加贈運司知事銜並蔭一子入
監讀書期滿以縣主簿註冊候選

路扶

參將陝西三原勦匪陣亡以副將銜議給雲騎尉
襲次完時給子恩騎尉世職

康飛熊

武舉殉難議給雲騎尉襲次完時給子恩騎尉世
職 以上俱甯晉人

科目表

柏鄉縣

進士

魏

翮

乾隆甲午舉人辛丑進士授內閣中書

魏延祚

翮之姪乾隆己亥舉人辛丑進士授山西虞鄉縣知縣

魏肇高

乾隆庚寅舉人戊戌進士仕四川金堂縣知縣

舉人

馬志皋

乾隆丙午科

魏廷玠

乾隆己酉科大挑一等分發貴州歷任綏陽龍里知縣升黔西知州

崔中倫 乾隆壬子科大挑一等分發湖北歷署麻城黃岡等縣知縣甲子科同考官

魏高倬 廩生文毅公四世孫嘉慶年 欽賜舉人一體會試 張元龍 道光甲辰 恩科

劉蔭昌 同治壬戌 恩科 魏廣文 拔貢生同治甲子科任戶部山東司郎中

武應奎 光緒戊子科

梁錕峰 光緒辛卯科 魏謙亨 光緒甲午科

貢生

恩貢

張清嘉 嘉慶庚辰 魏濬 任定州訓導

張振科 任大城縣訓導 馮守身 任永清縣訓導

黃書金 道光甲午 崔錫齡 道光乙亥

魏日常 咸豐乙卯 馬行方 咸豐丙辰

邢珂 咸豐丙辰 趙璋 同治壬戌

魏廣延 同治丙寅 侯選州 趙秉正 同治癸酉

劉慶星 光緒十年 劉文蔚 光緒十五年

黃增藩 十六年

拔貢

張文德 道光丁酉

魏廣文 咸豐辛酉

魏元慶 光緒乙酉

副貢

魏汝勤 嘉慶庚午科

歲貢

魏 箎 乾隆甲寅南宮縣訓導

呂 晉 嘉慶癸亥

趙其端 道光甲申

魏 峻 道光甲辰固安縣訓導

劉如蘭 道光己酉

李培之 同治癸酉

吳明勤 光緒丁酉

劉光昭 乾隆甲辰

魏 剛 嘉慶丙子

呂廷錫 道光丁亥

魏希秀 道光丙午

李 涪 道光己亥

魏得禮 道光戊申

李 淑 咸豐癸丑

李維邦 咸豐丁巳

王作霖 同治癸酉

羅如璋

劉 温 光緒戊寅

趙生春 光緒癸未

李仁德 光緒丁亥

曹鎮南 光緒壬辰

邢天德 道光丁未

趙 佶 道光庚戌

李雲章 咸豐丙辰

李維楨 咸豐庚申

郭恭壽

劉 溥 光緒戊寅

趙昌祺 光緒己卯

郝九如 光緒丙戌

呂樹桐 光緒庚寅

趙登我 光緒甲午

白淑澗 光緒丙申

邢廷煥 同治壬戌

歷仕

魏廣心 廩貢雲南南安州知州 魏廣益 工部營繕司主事

周夢熊 庠生山西候補典史 呂輝墀 增生湖北候補縣丞

武舉

李慎昭 嘉慶辛酉科 侯景山 嘉慶戊辰 恩科

魏湘蘭 道光辛卯科 盧雲霖 道光癸卯科

李玉璽 道光甲辰科 楊方彥 道光乙酉科

傅祥蘭 道光乙酉科 常清和 咸豐壬子科

劉芝蘭 咸豐壬子科 張甲 咸豐戊午科

吳廷瑞 咸豐戊午科 趙選文 咸豐辛酉科

趙英傑 同治壬戌 恩科 武文耀 同治壬戌 恩科

耿振甲 同治丁卯科 田種玉 同治丁卯科

張明倫 同治庚午科 楊幹湘 同治癸酉科

魏敬承 光緒壬午科 劉奉瑛 光緒壬午科

楊得剛 光緒乙酉科 楊明玉 光緒癸巳 恩科

隆平縣

進士

杜希畛 嘉慶己卯科舉人道光己丑科進士前四川

杜田之 希畛子咸豐壬子科癸丑科進士刑部員外

馮慶長

咸豐戊午科舉人同治戊辰科進士

舉人

劉九峩

嘉慶己卯科任河間府阜城縣訓導 道光甲午科

鞏東垣

道光乙未恩科署灤州學正任保鞏 嶧 道光壬辰科任撫甯縣教諭署正定府教諭

鞏珊

咸豐辛亥恩科 鞏文耀 咸豐己卯科

黃淑

咸豐乙卯科樂亭縣訓導 劉鳴廷 同治壬戌恩科 肅甯縣教諭

張奎聯

同治癸酉科 彭祥林 同治癸酉科

孔繼翰

同治癸酉科 曹芸田 光緒丙子科

宋興榮

光緒丙子科 黃樹桂 光緒乙酉科

武瑞

光緒丁酉科

恩貢

張大崑

咸豐丙辰署甯河縣故城縣教諭 武心田

劉恆心

光緒壬午現任廣平縣教諭 公士玉 光緒庚寅

拔貢

鞏嶧

嘉慶癸酉科 董鳴韶 道光乙酉科

范玉田

咸豐辛酉科 黃樹桂 同治癸酉科

楊希儒

光緒乙酉科 化玉田 光緒丁酉科

副貢

陳壽榮

嘉慶戊寅恩科 郭慶書 光緒乙酉科

歲貢

陳 玠 嘉慶年

馮 暄 道光己亥

宋廣淵 道光甲申

曹夢元

劉 眉 咸豐乙卯

李俊選 咸豐戊午

李恆茂

趙履豐

張 林 同治戊辰有困勉
齋詩文稿待梓

李 寅 同治丙寅

陳壽昌 同治庚午

岳九如 光緒己卯

曹裕如 光緒己丑

郝儒珍 光緒壬辰

董士昌 光緒丙申

閻慶恩

武科目

進士

張俊生

謝嘉樹 光緒辛巳

舉人

張東泉 嘉慶戊寅 恩科

曹登高 道光辛卯科

張成皋 道光乙未 恩科
候選衛千總

崔懷恭 道光癸卯科

郭恆隆 道光丙午科

黃紹興 道光己酉科

范英俊

王清標

張宏量 咸豐壬子科易州
馬水口都司石門

張廷愷 咸豐乙卯科籤掣
兵部差官

曹 璠 咸豐戊午科

武安邦 咸豐己未 恩科
候選守備

崔占元 己未 恩科

宋名重 己未 恩科

王冠英 己未 恩科

王朝棟 咸豐辛酉科

張玉瑛 同治 兵部差官 科籤掣

張玉虎 同治 兵部差官 科籤掣

歷仕

張清皋 廩貢生 國史館謄錄任獲鹿縣訓導

重文徵 任江蘇揚州府高郵州州判泰州州同安徽鳳陽府宿州州同歷署江蘇徐州府豐北通判宿南通判著有餘園消夏錄未刊

楊希會 廩貢生保定府訓導歷署邯鄲南皮清苑縣訓導

齊德俊 廩貢生長垣縣訓導

高邑縣

舉人

郭 輅 光緒辛卯科

貢生

恩貢

李廷玠 道光十一年

趙 璵 咸豐二年

賈岐陽 咸豐八年

宋掄元 同治元年

袁恆德 同治五年

李有鄰 同治十三年

耿 瑤 光緒二年署唐山縣訓導

趙 愷 光緒六年

李東榮 光緒八年

李恆泰 光緒十五年

馮化成 光緒十六年

拔貢

李 暉 乾隆丁酉科

馬 淑 乾隆己酉科

李廷藩 嘉慶癸酉科

李廷瓚 嘉慶己酉科

商維翰 道光丁酉科

岳明經 道光己酉科

李 鏞 咸豐辛酉科八旗官學教習甯河縣教諭

李國治 同治癸酉科河南陝州直隸州州判

王得儀 光緒乙酉科

李從正 光緒丁酉科

歲貢

秦金鏡 道光十一年

趙玉堂 道光十四年

張 珠 道光十六年

焦逢源 道光二十二年

張國華 道光二十五年

郭 瑾 道光二十八年

李景川 道光三十年

秦調元 咸豐元年

耿春秋 咸豐四年

張玉如 咸豐六年

柳位南 咸豐八年

王 澤 咸豐十年

郭 瑜 同治元年

崔近仁 同治五年

劉觀成 同治七年

張如蘭 同治九年

郝步瀛 同治十一年

趙百朋 同治十一年

武 伸 同治十三年

王維藩 光緒二年

張穀圭 光緒四年

趙百祥 光緒六年

王維垣 光緒八年

李 桐 光緒十年

趙廷璧 光緒十四年

李任治 光緒十六年

焦邦選 光緒十八年

任四達 光緒二十年

王得名 光緒二十二年

歷仕

李 暉 邑庠生由膳錄館議敘州同借補廣西向武州州判以孫鑑贈奉直大夫

李 鑑 廩貢生署青縣教諭改縣丞歷署安徽鳳陽阜陽等縣縣丞代理青陽縣知縣加五品銜

武科目

舉人

王玉佩 嘉慶庚申科

王玉珂 嘉慶丁卯科

王 昭 嘉慶丁卯科

王 晰 道光壬辰科

劉錫慶 咸豐己未科

張奇峰 同治癸酉科

籍夢麟 光緒戊子科

臨城縣

進士

趙鵬翔 道光 科進士任湖北咸豐縣知縣調宜城蘄水知縣

貢生

恩貢

肇靈秀 咸豐二年

和 露 四年

劉自亨

陳桂元 六年

麻寶泰 八年

姜 緒 十年

石天柱 同治元年

魏九齡 五年

郝鏞 十一年

馬廷相 光緒二年

曹殿元 五年

高臨泰 六年

王清桂 八年

戴琳 十六年

郝正林 十六年

拔貢

姜紳 道光乙酉科

楊鳳鳴 道光丁酉科

王家相 道光己酉科

吳震 咸豐辛酉科 歷任四川江北石碛廳同知

陳春坊 同治癸酉科

王廷桂 光緒乙酉科

楊凝福 光緒丁酉科

副貢

楊懋德 同治甲子

歲貢

路升聞 道光二十八年

王令聞 三十年

王玉成 三十年

楊成林 咸豐二年

麻寶粟 四年

蔡心泰 六年

朱鏡澄 八年

宋璇 十年

王崇德 同治元年

王慎德 五年

劉永清 七年

蔡學雍 九年

李占春 十一年

吳清瀾 光緒二年

和順 六年

王慶壽 十年

趙合璧 十四年

王汝琳 十八年

張輝 二十二年

歷仕

趙昂

附貢生同治五年報捐巡檢歷任廣東叁江羅銅司

和鴻漸

廩貢生光緒十九年報捐現任甯河縣教諭

趙祥雲 十三年

賈桂心 四年

崔清心 八年

田慶雲 十二年

李暢春 十六年

張翰華 二十年

武舉

路繼德 道光乙酉科

呂占魁 同治庚午科

甯晉縣

進士

賈汝霖 咸豐庚申科河間府教授

高逢源 光緒壬辰科

舉人

周鈴 道光庚子科

江蘭皋 道光癸卯科

寇宣 咸豐壬子科

王炘 咸豐壬子科

張彥凱 咸豐戊午科

王重德 咸豐辛酉科山東蒲臺縣知縣

王起鳳

咸豐辛酉科 望都縣訓導

李元衡

同治壬戌 恩科

趙進修

同治壬戌 撫甯縣訓導

賀萬化

同治 科

王凌雲

同治甲子科

王鼎盛

同治甲子科

趙邦憲

同治癸酉科

馮文標

光緒壬午科

王觀度

光緒戊子科

周俊隆

光緒辛卯科

顏銘

光緒辛卯科

王存誠

光緒甲午科

恩貢

潘俊傑

光緒二年

高雲程

光緒六年

高俊卿

光緒八年

米維邦

光緒十六年

拔貢

李鳳章

道光己酉科

王重德

咸豐辛酉科

楊應泰

同治癸酉科

賈綸

光緒乙酉科 工部 七品小京官

邢鳴盛

光緒丁酉科

副貢

張書堂

咸豐辛酉科

張駿觀

光緒戊子科

王鍾琦

光緒己丑科

歲貢

范自新

光緒二年

劉晉高

光緒四年

王德華

光緒六年

靳維新

光緒八年

張奪錦

光緒十年

杜景芳

光緒十二年

王蓮洲 光緒十四年

郭錫疇 光緒十六年

趙增修 光緒十八年

樊慶鐸 光緒二十年

賈玉田 光緒二十二年

武科目

進士

黃登雲 光緒丁丑科

舉人

張福壽 道光丙午科

江朝宗 道光癸卯科

范振英 道光乙酉科

劉占元 咸豐壬子科

范麟祥 咸豐壬子科

王右彤 咸豐壬子科

李永泰 咸豐乙卯科

范慶春 咸豐戊午科

王殿邦 咸豐戊午科

李雲登 同治甲子科

賈占元 同治甲子科

賈殿元 同治癸酉科

耿慶貴 光緒丙子科

閻貞喜 光緒丙子科

王萬春 光緒壬午科

王冠羣 光緒壬午科

黃振邦 光緒乙酉科

張世棟 光緒乙酉科

張如斜 光緒辛卯科

馬錫恩 光緒辛卯科

趙州屬邑志卷五

列女

柏鄉縣

呂烈婦黃氏尙書呂兆熊後裔呂等全之妻夫卒氏年少
誓不嫁撫幼女勤織紡供翁姑里中以節孝稱值粵匪
之亂翁鵬遠罵賊被戕氏往救不及負尸歸且行且罵
賊怒刃其腹而死已准 題旌

楊烈女進士楊宏聲之裔文生夢麟之女也次五姐次七
姐性皆貞靜值粵匪陷城三女懼辱携手入井死賊去
出其尸面如生夢麟妻諸葛氏嫂梁氏亦投井而身橫

不能下遂成跛廢已准 題旌

趙烈婦民人趙善之妻正元寺人

李烈婦張氏李喜麟之妻北江村人

江烈婦石氏江長春之妻北江村人

江烈女民人江喜貴之女北江村人

楊烈婦趙氏楊大嘴之妻西蘇村人

王烈婦李氏王孝成之妻西南魯村人

郝烈婦孫氏郝士良之妻東小京村人

以上七名均於同治二年抗志不辱罵賊殉節已准

題旌

張氏安國治之妻二十一歲生子振紀姑病侍養維謹不
解衣而寢者四十餘日姑賴以痊越二載夫亡欲自盡
因親鄰之勸乃以教養爲職晝夜紡績非弔問不出門
教子爲邑諸生同治十二年 題旌

劉氏張盤妻十八歲夫亡子敬天中年亦殂氏上事衰姑
下撫弱孫孝慈兼盡卒年八十有四

張氏郭德子妻二十二歲夫亡事翁姑孝無忤容家貧紡
績度日撫遺腹子發祥成立卒年七十有一

孟氏張廷魁妻年二十三夫亡守節卒年六十有七

高氏李米妻十九歲夫亡無子以姪逢時爲嗣事翁姑克

走少元
卷五
盡婦職卒年九十有七孫四曾孫十元孫三

馬氏李萬春妻二十六歲夫亡撫子玉堂成立孫應奎入武庠卒年七十餘

張氏石峻嶺妻二十九歲夫亡親老子幼事畜兼盡子潤玉孫應韶皆入泮卒年七十餘

李氏馮飽學妻家貧夫亡撫孤成立艱苦備嘗卒年八十有二

李氏趙鏞妻二十二歲夫亡子方襁褓撫以成立守節四十六年

于氏王興家妻二十一歲夫亡事翁姑克盡孝道翁姑歿喪葬盡禮以族姪良貴爲嗣守節三十餘年

王氏魏鏐妻二十一歲夫亡二月生子名長生撫孤成立守節三十餘年

趙氏劉香妻二十四歲夫亡事姑孝以族姪爲嗣守節三十餘年

郝氏路恆妻夫亡守節三十餘年

劉氏文生趙培之妻十八歲夫亡奉親教子守節三十餘年

王氏張峻德妻夫亡撫孤煥文入邑庠守節四十餘年

李氏楊夢蘭妻三載夫亡以姪爲嗣守節四十餘年

連氏蘭同莫妻于歸五載夫亡無子孤身堅守四十餘年
張氏郝韶媚妻二十二歲夫亡孝養翁姑撫孤成立孫曾
九人卒年八十九歲

王氏褚景儀妻二十一歲夫亡教子成章讀書不以家貧
廢後入泮孫芳蘭蕙蘭均成立入邑庠卒年八十餘

江氏吳美妻年十七夫亡誓以死守紡績以奉翁姑無子
卒年八十有五

張氏路同文妻二十七歲夫亡子逢祥尙幼女一均幼氏
與子女紡績度日卒年七十有五

蘇氏劉培妻二十二歲夫亡守節四十餘年

黃氏增生陳德光妻二十歲夫亡家貧無子事祖翁姑以
孝聞紡績以供甘旨苦節七十餘年

戴氏李慶保妻于歸七載夫亡以堂姪爲嗣翁姑病侍湯
藥不稍懈紡績自給並以餘資爲翁姑立墓誌卒年七
十餘鄉里稱之

李氏王國禎妻年十七夫亡欲以身殉親鄰勸之乃止姑
患瘟甚危日夕奉養賴以全翁患癱疾氏奉之數年無
稍怠年七十餘儒學題其額曰節同松柏

趙氏武生宋居貞妻年十七適居貞姑病飲食不能進氏
日乳其姑賴以愈夫亡水漿不入口親屬慰之乃以教

子自任紡績不倦子百齡入庠守節四十餘年

羅氏李啟明妻夫亡事翁姑撫孤子孝慈兼盡守節四十九年

劉氏文生李丕之妻二十九歲夫亡孝順翁姑撫育孤子守節五十餘年

李氏連百發妻年二十適百發早寡無嗣敬事翁姑勗姪勤學勵孫成名閨範整肅鄉里稱之卒年八十餘

陳氏王慶遇妻夫亡氏撫尸大慟欲以身殉戚屬止之家貧衣食不給以紡績養姑姑歿或勸之他適氏泣曰守節吾分也何適爲卒年六十有七

秦氏張黑子妻夫亡事孀姑以孝聞姑憐其貧勸其改嫁且迫之再四氏泣曰嫁之恐姑不得活耳晝夜紡績姑歿殯殮成禮守節三十二年

吳氏武童宋振宗妻二十九歲夫亡無子生一女守節三十餘年如一日非弔問不出戶庭

武氏文生邢慶陞妻年十七適慶陞孝事翁姑二十九歲夫亡守節三十餘年

郝氏武生盧永寬妻二十九歲夫亡二子尙在襁褓教養成立守節二十餘年

汪氏王大黑妻夫亡遺一女紡績度日艱苦備嘗守節三

十餘年

戴氏武童張郁文妻二十九歲夫亡二子尙幼孀姑年近
八旬無齒忽患癱疾氏與姑同寢早起櫛沐畢嚼食奉
姑數年不倦守節三十餘年 以上均於光緒二年
題旌

劉氏傅丁蘭妻二十七歲夫故守節三十餘年

常氏路文生妻二十三歲夫故守節三十餘年

李氏張成文妻二十九歲夫故事翁姑克盡孝道守節四
十餘年 以上均於光緒四年 題旌

劉氏龍華村貤封奉政大夫王鳳廷妻二十七歲夫故撫

諸孤慈而能嚴有違誤必庭跪煜春元春錦春均到邑
庠澤春食廩餼皆宜人代夫訓孤力也光緒十一年

題旌

劉氏季恂妻二十五歲夫亡子春陞尙幼氏奉養孀姑撫
育孤子苦節四十餘年光緒十二年 題旌

孫氏文童周應雄妻二十九歲夫故氏含辛茹苦守節三
十餘年光緒十三年 題旌

王氏太學生郭盛德妻二十八歲夫故誓志自守苦節三
十四年光緒十六年 題旌

李氏王丙南妻二十八歲夫故氏紡績自給守節四十一

年光緒十六年 題旌

魏氏文童趙蓋臣妻十九歲夫故痛不欲生親鄰百端勸慰乃堅志自守紡績以奉孀姑三十六年人無間言光緒十七年 題旌

張氏宋蘭亭妻二十九歲夫故守節三十三年卒年六十有二光緒十九年 題旌

魏氏黃書紳妻二十五歲夫故守節六十五年卒年九十歲光緒十九年 題旌

周氏趙廷桂妻二十歲夫故氏悲泣不食死而復甦姑病奉湯藥數十日無少懈苦節三十年光緒十九年 題旌

旌

李氏武童李廷秀妻于歸後夫與父兄皆死於粵匪之亂氏聞誓以身殉姑泣勸曰汝翁與汝夫尸尙未殮吾與孫復依何人氏遂以事姑撫子爲己任苦節三十五年光緒十九年 題旌

張氏文童李振鎬妻年十九適振鎬會粵匪亂起夫戰歿姑逾六旬子甫三歲氏奉姑撫子艱苦備嘗守節四十年光緒十九年 題旌

武氏李修德妻二十八歲夫故無子值粵匪陷城氏翁朝聘率子孫五人禦賊歿屍橫滿院氏殯葬成禮緝織自

給守節五十年已准 題旌

楊氏文童趙應春妻二十三歲夫故事翁姑以孝聞無子以姪爲嗣撫養成立守節已三十九年夫經旌表以下俱未旌表

張氏魏嘉丕之妻三十歲夫故子亦早亡撫孤孫俱成立苦節三十餘年現年七十有五

耿氏黃改門之妻十九歲夫故赤貧如洗矢志靡他守節四十八年現已六十七歲

張氏東文安村王黑子之妻二十四歲夫故氏養親撫子孝慈兼盡守節四十年現年六十四歲

安氏營兒村武生郝夢蘭之妻二十一歲夫故守節二十三年現年五十四歲

曹氏北滑村武舉張振甲之妻二十九歲夫故守節二十六年現年六十五歲

楊氏北滑村武生張振科之妻二十六歲夫故守節四十一年現年六十七歲

劉氏北滑村張連仲之妻十八歲夫故子女俱無氏孝事翁姑守節三十二年現年五十歲

楊氏趙家莊趙懷恭之妻二十六歲夫故子連芬尙幼氏延師課讀已食廩餼守節三十一年現年五十七歲

郭氏西汪村魏題匯之妻二十六歲夫故無子女以姪爲
嗣孝養翁姑守節三十一年現年五十七歲

路氏西汪村文生劉士敏之妻二十二歲夫故守節四十
三年現年六十五歲

郝氏固城店生員江芳蘭之妻二十七歲夫故無子止一
女守節三十三年卒年六十歲

趙氏固城店李振甲之妻二十八歲夫故守節五十四年
卒年八十二歲

劉氏固城店增生李士傑之妻三十歲夫故氏奉養翁姑
曲盡孝道諸子俱克成名守節五十二年卒年八十有

二

回氏西路村文生魏珂之妻二十五歲夫故守節二十一
年現年五十六歲

張氏趙家莊趙懷禮之妻二十八歲夫故守節二十二年
現年六十歲

張氏石家莊宋振邦之妻二十七歲夫故守節三十一年
現年五十八歲

趙氏城東街胡吉元之妻二十七歲夫故守節三十二年
現年五十九歲

王氏城東街魏二福之妻二十九歲夫故事親至孝撫孤

成立苦節三十二年現年六十一歲

郭氏路家莊路明昭妻二十八歲夫故守節三十三年現年六十一歲

高氏施莊劉杰之妻二十九歲夫故守節三十年現年五十九歲

尹氏城北街張敏政之妻二十八歲夫故孝順翁姑紡績自給撫子成立守節二十二年卒年五十歲

翟氏薛冬妻二十歲夫故無子女孝事翁姑撫姪代爲婚娶苦節四十九年現年六十九歲

隆平縣

張烈婦國氏大重營張得傳之妻夫妻同殉捨難得傳尸骸無存未詳遇害形狀烈婦於同治六年于歸七年正月捻逆北竄隨夫家入南魚堡堡陷烈婦約諸女伴赴寨濠投水死甫至北門突遇賊騎見烈婦年少強之從烈婦切齒怒罵賊怒懼之以兵烈婦引領待刃罵不輟賊甘言誘從烈婦聲愈厲罵愈急賊不得已刃斷其喉而死他賊義之有羅拜者嗚呼當倉皇急遽之時力脆而志彌堅死正而迹獨奇有婦如此祖宗之積也家門之光也闡幽光而慰貞魂非守土之責哉

檀烈婦孟氏檀會雲之妻同治七年髮逆陷南魚寨氏恐

受辱投井而死

郭烈婦辛氏文童郭名振之妻同治七年髮逆北竄氏避亂南魚堡堡陷爲賊所獲氏恐受辱投井而死

翟氏黃家莊黃立倉之妻二十歲夫卒子振麟尙幼氏茹苦含辛艱窘萬狀紡績自給兒少長就傅課讀使之成立孫三人鐸鎔皆入庠曾孫十同治年 旌

劉氏黃家莊黃遐之妻二十五歲夫卒無子以姪爲嗣姑老氏侍奉維謹姑賴以安守節四十七年卒年七十二歲

杜氏監生楊五雲之妻二十歲夫亡以姪爲嗣姪亡撫二孫成立後曾孫三人俱入庠卒年八十八歲

王氏楊德英之妻夫亡二子尙幼氏晝夜紡績撫孤成立事姑以孝聞卒年八十九歲

劉氏武童高敬堂之妻咸豐三年八月夫死粵匪之難無子以姪士傑爲嗣後入庠卒年五十九歲

岳氏儒童郭振先之妻十九歲夫故子尙幼氏養親訓子苦節二十四年卒年四十三歲已 旌

李氏武生趙培德之妻夫亡無子以姪爲嗣守節四十餘年已准 題旌

吳氏武童曹琪之妻三十歲夫亡無子以姪爲嗣撫養成

立鄉人稱道之

趙氏文童張鵬之妻二十三歲夫死髮逆之難子永壽尙幼氏晝夜紡績上奉祖母姑母下撫孤兒艱苦備嘗孫二人皆成立守節四十四年現年六十八歲

劉氏岳金銘之妻二十一歲夫卒立志苦守堅貞自矢子九如貢入成均卒年五十九歲

董氏李所德之妻二十七歲夫卒苦節自矢事孀姑以孝聞遺孤藍田芳田芝田撫養俱已成立現年七十八歲
王氏文童李清順之妻二十六歲夫亡無子遺二女氏爲擇配並撫其孤姪子女各一俱使成立現年五十七歲

王氏監生董慎思妻二十九歲夫卒遺一女氏上事翁姑下撫幼女涕泣爲夫立嗣守節三十五年

楊氏廩生趙溫如之妻二十二歲夫故氏矢志冰霜孝義兼全守節三十九年同治十年 題旌

李氏文童曹汝直妻二十二歲夫故子僅三歲翁姑先亡祖翁姑年皆八旬氏仰事俯畜孝慈兼盡子又亡撫孫成立卒年六十八歲守節四十六年

王氏文童趙耀德之妻十八歲夫故子女俱無以姪爲嗣氏養親撫子艱苦不欲人知年三十一亡族人咸悼之
賈氏武童李遐齡之妻二十五歲夫故子六歲撫子成人

孫樹田後入文庠皆氏之力卒年七十七守節五十三
年

王氏劉洞之妻二十七歲夫積學早逝氏矢志苦守訓子
有方上事翁姑下撫弱孤親歿喪葬成禮子恆心以
恩貢授廣平縣教諭氏現年七十五歲奉 旨旌表

賈氏王經賢之妻十九歲夫故子幼氏孝事翁姑無惰容
訓子有方子慶綱入武庠現年六十一歲奉 旨旌表
賈氏郝占元之妻二十一歲夫亡無子女撫姪爲嗣氏孝
事翁姑喪葬成禮子儒珍教養兼施後貢入成均氏卒
年七十二歲

劉氏王經昭之妻二十四歲夫故子慶榮尙幼氏孝事翁
姑勤儉持家子得成立守節三十二年現年五十六歲
王氏郝近仁之妻二十九歲夫故子幼氏紡績度日備歷
勤苦守節五十年卒年七十九歲

馬氏白玉秀之妻二十歲夫亡撫遺孤慶雲成立未幾子
亦卒媳張氏與姑同矢冰節年老無疾而逝

戴氏李文行之妻夫罵賊死難氏素衣布裳身不下樓者
二十餘年無子以姪爲嗣疾革時以修建忠義節孝祠
爲囑

趙氏李文德之妻與節婦戴氏妯娌也夫篤嗜內典生子

趙少元 卷五
彌月卽題詩數章飄然長往後絕無影響氏撫其呱呱
孩童與其姒戴氏同勵清操誓不下樓者二十餘年至
今里人傳李家一門雙節云

楊氏王雄劉村郭名芳之妻二十一歲夫故子澍方一歲
姑病氏委曲事奉姑賴以愈土匪之亂負姑以逃得免
於難子旣長延師課讀入邑庠守節四十二年現年六
十三歲

王氏菅村李金簡之妻二十五歲夫歿姑目失明氏左右
侍奉姑賴以無恙子印一心年方六歲氏督課綦嚴後
亦遊庠現年五十三歲

蘓氏檀春德之妻二十六歲夫亡子慎亨尙幼氏事姑至
孝撫孤成立後有孫四人卒年五十一歲

蕭氏儒童董玉珂之妻二十六歲夫故氏孝敬翁姑以姪
爲嗣教養兼盡後入邑庠守節四十六年現年七十二
歲

楊氏儒童張從嶽之妻二十歲夫故子汝川十餘歲亦卒
媳王氏無子以姪孫春海爲嗣守節四十三年現年六
十三歲光緒二十一年 題旌

張氏鞏鳴盛之妻十七歲夫故無子以姪文垣爲嗣子早
卒撫雙孫成立長紹曾入邑庠次綬曾捐九品職銜氏

趙州志 卷五 屬邑 列女
八十三歲卒同治四年 題旌

張氏李辛酉之妻十九歲夫故家赤貧留母家紡績度日
冀有蓄積爲夫立嗣守節二十二年現年五十一歲

王氏孔昭亮之妻二十四歲夫亡守節四十餘年道光二
十二年 題旌

章氏張浮雲之妻二十八歲夫故子女皆無事翁姑孝以
姪俊傑爲嗣守節四十四年現年七十二歲

牛氏程壽龍妻十八歲夫亡孝順翁姑以姪爲嗣守節五
十三年同治六年 旌表入祠

張氏賈清傑之妻二十二歲夫故遺一女早亡姑亦孀氏

孝養備至以姪爲嗣守節三十年現年五十二歲

王氏武生賈保泰之妻二十六歲夫故氏孝事翁姑有二
子教養備至均已成名年七十八歲同治十年 旌

楊氏劉玉衡之妻二十三歲夫亡事翁姑至孝守節四十
九年

馮氏曹增福之妻十九歲夫亡孝順翁姑勤於織紡現年
八十歲

鞏氏生員董光溥妻二十五歲夫亡無子翁病氏親視湯
藥翁歿與孀姑同寢處委曲承志現年五十二歲

李氏儒童董光澍妻二十一歲夫亡無子以堂姪錫田爲

嗣孝親慈幼始終如一錫田入邑庠現年五十五歲

劉氏儒童董光濟妻二十三歲夫亡遺一子芝田甫三歲
氏婦代子職母兼父教撫孤成立現年五十歲

王氏張金臺妻二十三歲夫亡遺一子世騎甫三歲氏守
節撫孤教以義方年十七入武庠尋亦卒氏與孀媳郭
氏共甘淡薄撫孫鳳德恆德均皆成立年七十七歲卒
媳年五十九歲

董氏郭堂妻二十四歲夫亡無子以姪爲嗣立志守節現
年八十歲

張氏儒童馬駿妻二十三歲夫亡遺一子甫周歲撫孤成

立現年四十八歲

田氏劉思恭之妻二十歲夫亡事姑孝守節五十餘年同
治十三年 題旌

宋氏楊鎮川之妻二十六歲夫亡事姑孝守節二十九年
現年五十五歲

張氏楊濟川之妻二十一歲夫亡事翁姑孝守節三十六
年現年五十七歲

檀氏張新德之妻二十三歲夫亡事翁姑孝守節三十年
現年五十三歲

李氏儒童張鳳元妻同治丁卯夫殉難氏二十七歲子鳴

庭尙幼氏敬事翁姑厲節艱貞子克成立現年五十七歲

白氏武董張愷元妻夫殉寇難氏年二十九歲茹苦含辛撫二孤成立現年五十九歲

劉氏儒童張王佩之妻二十二歲夫亡無子以姪鳳田爲嗣卒年五十六歲

劉氏張玉琨妻二十四歲夫故子鳳桐甫四歲氏敬事翁姑訓迪遺孤以至成立現年五十九歲

刁氏張安泰妻夫殉寇難氏年二十六歲苦心守節撫遺子福東成立現年五十六歲

刁氏李桂芳妻夫殉寇難氏二十三歲子女俱無苦守貞節奉養寡姑現年五十三歲

陳氏李春芳妻二十二歲夫殉寇難子興唐方七月氏矢志守節撫孤養親極其誠敬現年五十二歲

王氏陳永新妻夫死於丁卯之難氏年二十七歲遺孤子尙幼氏紡織自給孝敬寡姑守節三十年而卒

王氏兵部差官張廷愷妻二十九歲夫死寇難氏撫孤事親極其誠敬後三子皆亡終無異志現年五十九歲

董氏儒童張裕安妻年二十六夫亡無子遺一女氏甘貧守節孝慈兼盡現年五十三歲

王氏邑庠生張泰興妻年二十歲夫亡子永慶甫二月氏
忍凍餒以育遺嬰視前子裕慶如己出後裕慶入邑庠
永慶克有成立皆氏之力現年五十一歲

黃氏張廷仁之妻二十九歲夫亡遺一子二女家赤貧氏
茹荼保孤子女皆克成立現年七十二歲

黃氏文童張宏緒之妻二十七歲夫亡無子以姪爲嗣撫
養成人艱苦備嘗五十九歲卒

章氏張玉皋之妻二十八歲夫亡家甚貧窶氏矢志守節
撫孤子學讓成立現年五十八歲

郭氏張壽芳之妻二十八歲夫殉難子元愷方數月氏矢
志苦守紡織度日現年五十八歲

刁氏張佩麟妻二十九歲夫殉難子方三歲氏竭力鞠養
子十三歲復溺死氏熒獨無依矢志靡他現年五十九
歲

賈氏文生孟均之妻二十五歲夫故子復天折撫孫玉琢
成立得承宗祧一生困苦終無異志守節四十四年卒
年六十九歲

范氏杜金之妻二十六歲夫故子心正尙幼氏仰事俯育
勤苦半生翁姑歿典簪珥以葬茹荼飲蘖終無異志守
節六十二年卒年八十八歲

張氏文童趙恆安之妻年二十歲夫亡子文傑甫二歲氏養親撫孤矢志苦守翁姑年邁有疾氏奉養不倦數十年如一日教子慈嚴兼盡得延門祚現年七十六歲
檀氏王二端之妻十九歲夫歿子成名方一歲鞠育倍至後子殉寇難氏與媳立志守貞艱辛備歷卒年八十歲人稱一門雙節云

檀氏成家莊成均之伯母二十八歲夫歿以姪成均爲嗣訓之入庠人稱賢母卒年八十三歲

武氏檀永臣之妻二十七歲夫歿子文友方八歲氏恩勤鞠育備歷艱難子精醫學活人無數氏享年七十六歲

檀氏曹家莊曹不止之祖母二十八歲夫歿子喜合方六歲值歲歉而躬履勤儉毫無異念後子年二十歲亦夭折氏與媳撫孤孫成立享年七十一歲

郝氏白鳳雄之嫂同治十一年旌表知縣趙公贈匾額
白氏郝之妻十九歲夫亡無子遺一女有弟甫七齡氏上事翁姑下撫弱弟翁卒喪葬盡禮弟生子全福氏撫以爲嗣苦節終身鄉里賢之

宋氏馳封宣武都尉崔懷讓之妻二十一歲夫亡子進元甫三齡氏延師教誨後入邑庠孫清俊入國學會孫沛霖食餼鬻序房薦四次人以爲苦節之報享年六十九

歲同治壬申年旌表 賜封恭人

李氏舉人鞏文耀之妻二十五歲夫亡遺一女氏撫養前子孝事翁姑數十年如一日享年五十八歲

高邑縣

趙氏文童李璽之妻二十七歲夫亡幾不欲生家貧典簪珥以供祖姑及姑甘旨奉養無缺弱弟幼子并口授詩書後相繼天殂子然一身節操彌堅卒年八十二歲

平氏王文振之妻十九歲夫故子甫歲餘姑李氏偶得癰疾氏上事病姑下撫孤子三十年如一日鄉黨重之已

經 旌表

梁氏廩生李暉之妻夫亡氏閉門自經婢覺大號人入救逾時復甦翁姑勸慰氏不得已勉進飲食以姪廷琦爲嗣氏教養兼施十六歲入邑庠甫一歲子亦亡媳廣平冀氏熒熒相對以姪孫鎔爲嗣翁姑歿喪葬盡禮宗族且感且敬當代名公紀以詩曰孱孱姑婦兩潭冰苦效柏舟節愈凝縱使秋霜凋兩鬢閉門相與伴寒燈嗚呼若梁氏姑媳志之貞節之苦可以昭垂青簡而爲斯世女宗矣

梁氏生員郭桂茂妻年二十五夫亡一女甫周歲氏矢志守節姑老多病氏朝夕侍養及歿喪葬盡禮族中丁單

無可繼者晚始嗣一子守節三十八年卒年六十三歲
王氏郭生芝妻二十七歲夫亡子幼撫之成立家貧以女
紅佐甘旨舅姑歿鬻珥以葬守節三十五年

趙氏南關郭靈妻十九歲靈卒氏矢志守貞舅歿與姑同
寢室無子以姪爲嗣守節三十九年

陳氏增生趙承先妻二十八歲夫亡二子皆幼嚴於訓督
子俱入邑庠守節六十年年八十九無病而終

申氏西隄村王振秀妻年二十一歲夫亡無兄弟有一小
姑舅姑欲養媮爲子令氏改志氏啼泣不從艱苦萬狀
舅姑老氏朝夕奉養卒賴以送終守節三十七年

趙氏東大營村李金良妻年十九而寡子茂方六月矢志
苦守撫之成立年七十三歲以節終

袁氏牛家莊牛則仕妻二十二歲夫亡守節五十餘年卒
年八十五歲

朱氏馬發宅妻年二十九孀居家酷貧勤紡績以奉姑育
子備嘗辛苦五十餘年卒年八十二歲

郭氏北焦村王泮妻二十二歲夫卒以舅姑年邁乃延喘
以代夫養能得舅姑歡心以姪爲嗣卒年四十二歲

智氏西韓村楊冲霄妻年二十七夫亡子甫三歲氏立志
撫成孝養翁姑守節四十八年卒

李氏馬村任大臨妻年二十七而寡二子皆幼氏教養兼盡恩勤倍至長子瑄入邑庠守節四十八年

王氏馬村任大受妻年二十六而寡子方三歲矢志撫養孝事翁姑守節五十餘年卒年八十一歲

王氏韓家莊趙從雲妻年二十二歲夫亡四月始生遺腹子撫孤養親苦節垂六十年卒年八十一歲

連氏曹留村張崑繼妻二十一歲崑卒前室子甫三歲撫愛之如己出孝事舅姑及歿喪葬盡禮守節二十六年卒

王氏高家莊武生張瑋繼妻二十一歲夫卒無子女矢志

苦守以姪宏聲為嗣教育成人治家勤儉嚴肅產業漸

裕守節五十餘年

王氏大張留村孫璽妻二十二歲夫歿子未周歲氏日夜涕泣立志守貞跣步不踰門閭後以病卒

程氏萬城村郭儉妻年二十一而寡遺孤三歲氏養親教子艱苦備嘗後子入邑庠年六十五歲

趙氏南關王駟妻年二十一夫亡子幼而天孤苦零丁矢志苦守事翁姑以孝聞紡績度日食糲茹荼安之若素守節六十二年卒

耿氏南關張茂妻年二十五夫亡子昌業方二歲撫養成

趙少元 卷五
人守節三十八年卒

畢氏北蒲底村生員王士義妻相夫勵學淡泊自甘年二十八而寡閉戶紡織非至戚罕覩其面守節四十五年智氏谷興莊王周妻年二十夫亡有遺腹子氏矢志撫養事舅姑盡孝守節五十四年卒

李氏東良莊生員趙欽妻年二十六而寡事姑盡孝子軼倫教養成立不墜家聲守節四十九年卒

高氏西隄村劉秋貴妻二十一歲夫亡子女俱幼翁姑以家貧欲令改適氏不從因析居以苦之氏日夜紡績爲活忍饑寒食糠粃猶時爲婉容愉色以慰翁姑不敢失

婦道教養子女黽勉爲畢婚嫁鄉里賢之 四十六年卒

席氏西富村馮繼貞妻二十五歲夫亡立志撫孤成立子緒補邑增生守節五十五年卒

羅氏南岩村耿志道妻年二十四而寡孝事舅姑子幼課之讀書後入邑庠守節四十九年卒

柳氏牛家莊牛恂妻年十六適恂未半月夫亡誓不改適孝事孀姑紡績以供甘旨守節五十九年卒

胡氏中韓村周郁文妻年二十五而寡安貧茹苦守節四十餘年卒

暴氏申張家莊滑煥妻年二十二夫亡矢志不渝守節三十三年卒

楊氏方册村胡燦妻二十歲夫亡無子以族姪爲嗣勤紡績以事舅姑養生送死盡勞盡禮守節五十八年卒

董氏趙村武生任克久妻二十七歲夫亡子紹瑀未周歲翁姑微諷之氏誓不更適卒奉翁姑終老教督幼子入泮守節五十一年卒

柳氏前方册村生員李伸妻年二十二孀居無子食貧紡績以事舅姑撫嗣子成立守節五十三年卒

石氏寺家莊武生申佩妻年二十七夫亡立志不渝事舅

姑以孝稱以姪爲嗣教養成立守節四十五年卒

宋氏西塔塚村薄世譽妻二十四而寡事姑孝姑病晝夜侍奉不少怠無子以姪珍爲嗣守節五十八年卒

李氏西驛頭村白際泰妻二十四歲夫亡一子尙幼氏辛勤鞠養孝事姑嫜守節五十三年卒

張氏東塔塚村梁信妻年二十九夫亡子福金尙幼又生遺腹子福魁躬勤紡織撫孤成立清操勁節守四十年卒

趙氏西河頭村李格妻二十二歲而寡氏勵志守貞孝事翁姑婦代子職族黨交稱其賢守節五十一年卒

郭氏古城村李琳妻年二十七夫亡子協義尙幼氏事嫡庶二姑各得歡心姑病潛心默禱病竟漸痊協義稍長擇師訓讀早歲入邑庠守節三十九年卒

劉氏小留村申蕊妻年二十八夫歿二子皆幼氏仰事俯育勤女紅以供甘旨諸艱備嘗守節三十八年卒

凌氏南焦村蘇振國妻年二十一夫亡無子事翁姑克盡孝道翁歿同姑宿姑諷以他適氏以死自誓因撫從姪廣爲嗣延師課讀守節四十三年卒

平氏南塔塚村馮國用繼妻二十二歲寡家道窘迫母令其改適氏涕泣不從母知其意不敢更言養親撫孤艱

辛備歷守節四十八年卒

李氏趙村時豐妻二十三歲夫亡無子撫旌姪爲嗣翁姑有疾辛勤侍奉族黨稱其貞孝無閒言守節五十年卒

秦氏王仝莊馬宗禹妻年二十二夫亡翁姑在堂竭力侍奉無子女撫姪爲嗣守節三十九年卒

焦氏王良莊王廷印妻二十三歲而寡子幼氏養親鞠子艱苦萬端子十四歲天遺媳許氏相依度日矢志靡他守節三十八年卒

崔氏陳家莊周綿智妻年十九夫亡無子撫姪策爲嗣矢志苦守始終不渝守節三十一年卒

趙氏王村文童李璽妻已 旌表

王氏北關文童趙之瀚妻已 旌表

韓氏孫家莊趙三妻已 旌表

王氏城照村王懷珠妻已 旌表

李劉氏夫亡嘉慶二年六月十三日病故守節四十年已

旌表

樊陳氏夫亡嘉慶五年四月初三日病故守節六十一年

已 旌表

郭張氏夫亡道光四年八月初七日病故守節五十三年

已 旌表

李趙氏夫亡道光十八年九月十四日病故守節四十年

已 旌表

任張氏夫亡守節四十八年已 旌表

張張氏夫亡守節三十一年已 旌表

任王氏夫亡守節五十六年已 旌表

李關氏夫亡守節五十年已 旌表

李柳氏夫亡守節四十八年已 旌表

蘇李氏夫亡守節四十年已 旌表

柳蘇氏夫亡守節五十年已 旌表

李袁氏夫亡守節四十年已 旌表

李冀氏而關庠生李廷琦妻孝慈兼盡未旌

張王氏夫亡守節五十年事親撫孤始終如一未旌

郭王氏夫亡守節三十三年矢志養親撫孤成立未旌

郭李氏夫亡守節二十八年德兼慈孝苦節彌貞未旌

趙貞女存姐新莊生員趙長緒次女也性聰慧六歲能習

女訓許字柏鄉魏氏涿州學正子二十三歲無婚期一

日媒氏傳魏語曰吾兒廢學遠遊久無音耗存否未可

知恐誤君愛女終身別議配可也父母秘其語不令聞

貞女偵知之起居如故忽一夜共績母曰可就寢矣女

曰夜未深也言已從容入母謂其寢也而戶未闔呼之

不應燭之則整容更衣三纏其頸在樑間矣時乾隆二

十二年也

臨城縣 各縣詳冊列女皆有事蹟臨邑獨無但紀姓氏而已按所載皆已旌表

邢氏張重喜妻 陳氏劉世勳妻

賈氏賈思齊妻 馬氏賈慈成妻

張氏李士賢妻 趙氏陳正亮母

張氏馮明時妻 和氏庠生姜爾侯妻

張氏戴文獻妻 李烈婦李安然妻

劉氏陳福才妻 呂氏馮嘉慶妻

張氏馮宗仁妻 宋氏王京妻

尙氏趙魁妻

竇氏庠生賈柔妻

汪氏王重德妻

劉氏王中清妻

趙氏王克敬妻

王氏姜心一繼妻

武氏路九苞妻

畢氏進士趙鵬翔妻

楊氏趙岱妻

楊氏岳天魁妻

朱氏庠生趙昶妻

李氏賈得妻

楊氏儒童楊廷桂妻

郝氏儒童楊景泰妻

陳氏腰思廷妻

趙氏李善教孀母

邵氏儒童李正心妻

陳氏張選母

腰氏庠生薛巨源母

戴氏腰兆熊妻

喬氏姜紉妻

和氏姜鑑妻

楊氏和聚業張氏和雲之妻

田氏庠生張幼學妻

甯晉縣 已見縣志者不載

李烈女高李莊李萬德之女同治七年避捻匪逃於鄰寨

寨破自縊死

段烈婦李氏段木莊段鼎之妻寨破罵賊不屈賊怒斫之

謂其已死次日復蘇失其左目手指皆斷

張烈婦李氏小營村張玉堂之妻寨破赴火死

李烈女根姐東侯高村李錫之女同治七年捻匪擄女於

馬上女且泣且罵詞色俱厲有并近路旁其母自後呼

趙州志 卷五
三
曰井女聞之解縛墮馬投井中死賊怒甚以竹槍向井亂刺而去及殮身無完膚面色如生

董烈婦賈氏縣南近村賈順和之妹趙州民董喜存之妻年二十二歲殉難

孫烈婦賈氏賈順和姪女縣北近村孫賀昌之妻年二十一歲殉難

孟烈婦賈氏賈順和孫女縣固下村孟釗之妻年二十六歲捻匪擾境時三女皆在母家逃至高邑磨房村東井旁羣賊圍繞威逼從行三女同投井死

薛烈婦王氏徐姐米家莊王文之女趙州民薛福祥之妻

也同治二年捻匪擾亂氏歸甯全家逃難途遇賊欲擄女行其父不允賊怒欲殺之女曰釋吾父甘心偕往賊縛之馬上遂釋其父行里許見路旁有井從容與賊曰感釋父恩願終從矣盍緩吾縛賊從之奮身墮地投井死賊曰烈女也歎息而去

秦烈婦劉氏北河莊秦順意之妻年二十歲捻匪入其村逼之同行投井而死

鎬氏縣城內高鏊之妻年二十歲夫故欲以身殉翁姑泣勸勉從之後翁死謂其姑曰二叔已長能事母矣投水甕中溺死邑侯劉公旌曰節烈

趙州志 卷五
郭烈婦王氏郭廷秀之妻及橋村人同治二年擒匪經其
村氏恐受辱投井死

王烈婦史氏王元利妻與巨文元妻劉氏竇璞妻侯氏及
其女竇姑皆大楊莊人同治七年寨破義不受辱均罵
賊遇害

竇烈女竇雲程季女大楊莊人賊至自縊死

董烈婦安氏董玉琢妻東陳村人賊至投井死

董烈女董玉琢幼女同治七年之亂隨母投井死

李烈女李和之女龐莊人同治七年寇至畏辱投水死

董烈婦張氏生員董鑑妻東陳村人聞夫陷於賊投井自

盡年十七歲

李烈婦趙氏監生李廷俊妻賊至恐受辱投井死

樂烈女樂克勤女十七歲偕家人逃難賊騎追及投井全

節

李烈女李椿齡女崔官莊人遇賊恐辱投井自盡

孟烈婦張氏孟小蓉妻四芝蘭村人其夫禦賊死氏投井
以殉

孟烈女孟小蓉幼女賊至隨母投井死

巨烈婦路氏巨文明妻大楊莊人寨破文明手刃賊賊縛
其夫妻於車上火焚之

楚烈婦周氏楚廷琛妻寄居肥鄉西韓寨同治七年二月二十九日聞捻警戒嚴廷琛與團丁防守南門越日寨陷隨眾巷戰身受重傷死周聞之奔赴枕尸而哭罵賊不止賊怒殺之與夫同死

李烈婦趙氏李岡妻子歸三載夫亡勸改嫁不從家人潛受聘嫁之前夕始告之氏痛哭投繯死光緒七年旌

武烈婦常氏城內武麟詩之妻十七歲于歸二十五歲夫故後三日不食死

陳氏張瑄妻年二十夫亡撫孤至七十歲卒乾隆二年旌柏邑人魏荔彤誌其行畧

郭氏張勵妻年二十守節事病姑撫幼子歷六十五年孫泉湧入庠孫媳周氏年二十五撫二子守節歷四十一年族弟泉醴妻曹氏年二十五守節子致中妻袁氏年二十二守節四十餘年皆已旌

楊氏張炎妻年二十一炎卒撫孤成立守節六十六年卒董氏監生解萬青妻年二十七夫亡守節六十四年訓子入庠同時王基禎妻谷氏年十八夫亡荆茂妻尙氏年二十六夫亡田宣妻馮氏年二十八夫亡俱撫孤苦守事親盡孝守節各三十餘年馮孫士魁以諸生貢成均案檔册氏等均於乾隆年間夫亡守節光緒二年旌

劉氏王學文妻年十八歲夫亡孝事舅姑撫幼子成立守節六十五年同時甯朝紳妻侯氏年二十夫亡孝事舅姑苦守五十五年

案檔冊氏等乾隆年間守節光緒二年旌

耿氏解連中妻年十八夫亡家貧撫孤成立後子媳相繼亡復撫幼孫苦守歷六十年同時薛步青妻郝氏年二十一夫亡事重闈盡職撫夫姪爲嗣守節五十八年

案檔冊耿郝皆於乾隆年間守節光緒二年旌

董氏范養廉妻年二十四夫亡事繼姑孝教子國治成名守節五十年同時趙純儒繼妻崔氏年二十三夫亡撫前室子成立守節五十九年

案檔冊董崔均於嘉慶四年夫亡守節光緒二

年旌

常氏張鎔妻嘉慶七年鎔卒氏年十八守節四十二年鎔弟鑛亦早故妻董氏年二十九撫孤守節二十二年卒

案檔冊常董均於光緒二年旌

薛氏李二成妻夫婦避荒僑寓睢州嘉慶九年二成卒氏二十有七子方五歲稍長乃負夫骸乞食歸守節五十八年卒光緒二年旌

寇氏王俊祥妻年十九夫亡張氏王文祥妻年十八夫亡李氏王吉祥妻年二十二夫亡均矢志堅貞寇守節六十年卒張李各守節五十一年光緒二年旌

史氏趙天成妻年十九歲夫亡舅姑均老夫弟僅數歲氏茹貧苦守撫之成立守節六十年光緒二年旌

孫氏雷勤紹妻世家女年十九夫亡撫孤守節五十七年同時柳自城妾董氏年二十七寡事嫡惟謹守節四十二年
案檔册孫董皆於嘉慶年間守節光緒二年旌

張氏孫成愷妻年二十二夫亡守節六十一年范瀾妻張氏年二十五夫亡守節四十一年李在妻曹氏年二十九夫亡守節五十六年事舅姑盡孝撫嗣子皆成立
案檔册氏等均於嘉慶年間守節光緒二年旌

周氏守備董嶠妻嘉慶二十一年嶠故氏年二十三孝事

舅姑撫嗣子守節三十六年同時靳德培妻周氏年十九夫亡奉舅姑撫嗣子守節四十九年光緒二年旌

周氏孫一允妻年十九夫亡撫夫姪苦守孝事舅姑同時李清亮妻劉氏年二十五夫亡事姑至孝姑病癱氏奉之跣步弗離守節各五十一年光緒二年旌

高氏王璽妻年二十八守節歷五十二年董戴德妻解氏年二十四守節歷四十八年李和玉妻陳氏年二十二

守節歷五十一年均事親盡孝高解撫二子成立陳訓子國昌成名
案檔册氏等皆道光初年守節光緒二年旌

楊氏段繼珠妻道光七年繼珠卒氏年二十一無子立姪

占魁爲嗣同治七年占魁陣亡氏撫孤孫苦守歷五十年光緒二年旌

盧氏李連峯妻年二十四夫亡李國通妻李氏年二十八夫亡盧守節五十二年李守節三十二年光緒二年旌

陰氏鄭清芬繼妻年十七夫亡李修業妻孫氏年二十九夫亡均孝事舅姑陰訓前室子椿齡孫訓子恆山入庠

陰守節三十二年孫守節四十二年

案檔冊陰孫均於道光年間守

節光緒二年旌

劉氏雷朝聘妻年二十九守節孝事孀姑卒年七十有二同時鄧臧妻李氏年十八夫亡無子姑已老氏鬻奩具

爲翁置妾生三子鄧氏賴以不絕守節三十三年

案檔

冊劉李均於道光年間守節光緒二年旌

張氏庠生李鵬搏妻年二十六夫亡劉著妻張氏年二十

三夫亡李蘭桂妻王氏魏安妻郝氏年各二十八夫亡

趙文斗妻李氏年二十七夫亡均孝事舅姑撫孤成立

張守節四十七年餘各守節三十餘年

案檔冊氏等皆於道光年

間守節光緒二年旌

孫氏周慶榮妻年二十四夫亡金鐸妻李氏年二十二夫

亡事舅姑皆盡職孫撫二女守節四十五年李撫嗣子

守節三十三年光緒二年旌

劉氏劉某妻年二十夫亡守節撫孤三世至九十餘歲卒
王氏趙景印妻年二十守節撫孤復天歷六十餘歲卒

郭氏李彤妻年二十一夫亡矢志苦守孝事舅姑已三十
五年光緒六年旌

張氏武生孫維翰妻年二十八守節四十三年

李氏庠生王瑞星妻年十九守節四十八年

趙氏庠生劉芳勳妻年二十三守節四十七年

趙氏靳祿妻年二十四夫亡守節四十九年督學莊為請

旌表

高氏庠生馮泌妻建坊旌表

韓氏陳蒸妻年二十三撫孤守節五十六年已旌

郝氏薛金良妻年二十二夫亡守節五十七年

薛氏武舉陳萬春妻年二十五夫亡守節三十五年已旌

商氏王如沛妻年二十四夫亡守節二十九年

羅氏張三泰妻年二十夫亡守節三十二年同治十年旌

馮氏庠生李斯行妻年二十四夫亡守節五十一年光緒

二年旌

劉氏尙賓妻年二十一撫嗣子守節三十五年光緒二年

旌

趙氏武玉和妻年二十八夫亡守節三十年光緒三年旌

楊氏楊漣妻年二十六夫亡守節四十九年光緒二年旌
尹氏王存儉妻年二十一守節卒年七十七歲
田氏劉義和妻年二十一守節卒年六十五歲
黃氏王夢魁妻年二十七守節卒年八十三歲
孫氏任際平妻年二十七守節卒年八十九歲
張氏王修德妻年二十二守節卒年七十二歲
師氏蔣英妻年二十七守節卒年八十六歲
賈氏蔣清泰妻年二十六守節卒年七十一歲
汪氏王玉貴妻年二十守節享年六十五歲
蘇氏蔣文科妻年二十一守節享年六十八歲

王氏寇月賓妻年二十守節卒年五十二歲
李氏寇煥妻年十九守節卒年六十一歲
王氏寇廸妻年二十五守節存年六十歲
李氏王義妻年二十五守節卒年八十六歲
魏氏成天德妻年二十八守節存年七十五歲
曹氏靳文輝妻年十九守節卒年七十二歲
牛氏陳楨妻年十八守節存年八十三歲
李氏高保全妻年二十八守節卒年八十六歲
張氏田維清妻年二十六守節卒年八十六歲
張氏田惠妻年十九守節卒年七十一歲

張氏蘇文煥妻年二十八守節卒年七十歲

靳氏李四虎妻年二十五守節存年六十一歲

周氏李明智妻年二十二守節存年七十六歲

孫氏趙國傑妻年二十一守節存年五十八歲

白氏魏占魁妻年二十九守節存年七十五歲

劉氏孟步雲妻年二十三守節卒年八十四歲

楊氏賈五妻年二十三守節卒年八十六歲

宋氏張紳妻年二十八守節現年六十六歲

李氏郭錫惠妻年十九守節卒年五十一歲

王氏黃煥章妻年二十二守節現年六十三歲

李氏喬玉書妻年二十六守節現年六十六歲

李氏馬居易妻年十九守節卒年七十歲

張氏賈盛妻年二十二守節卒年六十一歲

周氏崔貽桂妻年十七守節現年七十一歲

史氏劉祥雲妻年二十五守節現年六十二歲

李氏黃天成妻年二十六守節卒年六十六歲

楊氏董峴妻年二十一守節卒年五十九歲

郎氏董爲皋妻年二十九守節現年七十六歲

張氏李作聖妻年十八守節卒年五十七歲

張氏趙光儒妻年二十六守節卒年七十四歲

趙氏王如川繼妻年二十七守節現年八十歲
畢氏王瑣妻年二十八守節卒年八十七歲
張氏畢岐彪妻年二十八守節卒年八十三歲
韓氏李九皋妻年二十九守節卒年七十四歲
張氏董飛龍妻年十五守節卒年五十一歲
柴氏王小妻年二十八守節卒年七十八歲
鄭氏李宏章妻年二十守節卒年六十一歲
宋氏邊學仁妻年二十二守節現年八十歲
曹氏郭友賢妻年二十八守節現年七十一歲
耿氏何九五妻年二十守節卒年五十九歲

韓氏柳生春妻年二十五守節卒年六十六歲
李氏王恆茂妻年二十守節卒年七十歲
鞏氏周宗周妻年十九守節卒年六十歲
常氏王者賓妻年二十九守節卒年七十六歲
孫氏谷太和妻年二十三守節卒年八十二歲
李氏路泌妻年二十守節卒年八十歲
王氏陳乙妻年十八守節卒年七十一歲
陳氏王用汲妻年十九守節卒年七十一歲
張氏趙世祿妻年二十四守節卒年七十六歲
陳氏王應運妻年二十六守節卒年七十六歲

高氏柳杰妻年二十五守節現年七十歲
單氏武全學繼妻年十八守節現年六十一歲
張氏任繼印妻年二十六守節現年七十歲
王氏李逢泰妻年二十九守節卒年七十歲
張氏楚月妻年二十八守節卒年六十九歲
董氏賈春妻年二十七守節現年七十一歲
劉氏楚文衡妻年二十五守節現年五十九歲
曹氏路養浩妻年二十四守節卒年九十一歲
鄒氏李秀妻年十九守節卒年七十六歲
田氏張松林妻年二十一守節卒年七十二歲

黃氏路樞妻年二十八守節卒年六十九歲
閻氏陳光清妻年二十二守節卒年七十四歲
馮氏王青雲妻年十九守節現年七十三歲
路氏姚六妻年二十三守節現年七十二歲
劉氏王步雲妻年二十守節卒年五十三歲
蔡氏高成業繼妻年二十八守節卒年五十七歲
張氏邢占元妻年二十九守節卒年五十六歲
趙氏高懷妻年二十三守節卒年六十一歲
王氏高一員妻年二十八守節卒年五十二歲
賈氏路喜科妻年二十一守節卒年五十歲

李氏王象鼎妻年十八守節卒年五十三歲

趙氏徐惠成妻年二十四守節現年八十二歲

李氏扈學潤妻年二十五守節現年五十八歲

馮氏曹成妻年二十七守節卒年七十三歲

王氏李珠妻年二十八守節現年七十一歲

陳氏郝金妻年二十九守節卒年八十四歲

楊氏張炎妻年三十一守節卒年八十六歲

牛氏蔡莪妻年三十守節卒年五十六歲

孫氏趙全秀妻年三十守節卒年六十二歲

巴氏趙文彥妻年二十九守節卒年六十四歲

崔氏王維甯妻年三十二守節卒年七十六歲

劉氏韓鳴鷺妻年二十三守節卒年六十二歲

以上均於光緒七年旌

徐經妻黃氏年二十守節現年六十一歲光緒八年旌

徐紳妻謝氏年二十二守節現年六十歲光緒八年旌

王任氏周蘇氏賈張氏陳薛氏展張氏展王氏任季氏張

羅氏董許氏陳韓氏王馮氏高陳氏王羅氏

氏張梁氏俱雙井村人王商氏張田氏俱浚水坊人楊劉氏楊張

氏楊李氏俱小馬村人靳趙氏張趙氏俱東沙良村人王趙氏素邱村人

張趙氏南丁曹人段董氏中蒙村人史楊氏東陳村人王汪氏蔣王氏

俱小王 趙史氏褚家莊人 薛高氏薛家莊人 薛張氏俱薛家莊人 張孫氏陳莊人

人 靳曹氏白侯村人 岳尙氏岳家莊人 李張氏高李莊人 何耿氏韓家莊人

張楊氏張家莊人 傅李氏畢家莊人 劉史氏中曹村人 解劉氏東周莊人 梁

王氏梁家莊人 牛耿氏鎮邱村人 段楊氏段羊莊人 張王氏東南莊人 崔

周氏邊村寨人 趙薛氏固下村人 喬李氏喬家寨人 趙姜氏延白村人 劉呂

氏雷李莊人 韓屈氏白木莊人 李常氏小劉村人 周常氏常路氏 常劉

氏俱朱家莊人 張曹氏張郭氏 俱碑河村人 樊張氏北張莊人 以上

五十七人均據光緒二年甯晉縣村圖節孝門錄出 檔册

王氏梁利妻年二十二夫亡守節四十九年光緒元年旌

尙氏岳淑元妻年二十五夫亡守節四十二年

史氏劉喜麟妻年二十五夫亡守節五十五年

王氏徐慎修妻年二十五夫亡守節四十四年

梁氏張仵妻年二十二夫亡守節三十一年俱光緒二年旌

趙氏史遜妻年二十二守節卒年八十四歲光緒四年旌

楊氏張漣妻年二十六守節卒年七十五歲

郭氏李彤妻年二十一夫亡守節四十年俱光緒七年旌

王氏孫義方妻年二十守節卒年五十六歲光緒十年旌

王氏賈汝翼妻年二十六守節卒年七十五歲

雷氏王爲章妻年二十一夫亡守節四十年

汪氏王肯堂妻年二十三夫亡守節三十九年

張氏王桂經妻年二十五夫亡卒年五十九歲
孟氏王桂明妻年二十四夫亡守節四十三年

郭氏趙玉慶妻年二十七夫亡守節三十五年俱光緒十
六年旌

張氏郭懷玉妻年二十七夫亡守節三十一年

張氏孫朗如妻年二十五夫亡守節四十六年

石氏尙元凱妻年二十六夫亡守節三十六年俱光緒十
七年旌

董氏羅經妻年二十一夫亡守節三十一年

張氏翟維邦妻年二十三夫亡守節四十四年

王氏劉克良妻年二十三夫亡守節四十二年

劉氏耿希和妻年二十九夫亡守節四十二年俱光緒十
八年旌

汪氏王明良妻年二十五夫亡守節四十四年

段氏楊清奇妻年二十五夫亡守節三十三年

趙氏李義方妻年二十二夫亡守節三十六年俱光緒二
十年旌

王氏師慶雲妻年二十七守節卒年五十一歲

夏氏劉淮妻年二十四夫亡守節四十二年

常氏路純學妻年二十八夫亡守節三十三年

梁氏師探妻年二十一守節卒年七十四歲俱光緒二十
年旌

陰氏鄭清芳繼妻年二十一夫亡守節四十六年

曹氏張懷瑞妻年二十九夫亡守節三十四年

張氏趙純文繼妻年三十夫亡守節三十四年俱光緒二

十一年旌

劉氏谷逢思妻年三十夫亡守節三十年

李氏董振瀛妻年二十六夫亡守節四十九年

王氏鄭旭妻年二十一夫亡守節四十七年俱光緒二十

二年旌

郭氏王海成妻年二十八守節卒年五十五歲

李氏陳培元妻年十九夫亡守節五十一年

高氏周元和妻年二十二守節卒年五十四歲

陳氏劉柱妻年二十二守節現年七十七歲

薛氏康清俊妻年二十五夫亡守節四十二年

何氏王慶雲妻年十九守節現年七十九歲

袁氏張安隆妻年二十一夫亡守節四十一年已旌

李氏張琨妻年二十九夫亡守節四十四年

王氏張望海妻年二十七守節卒年六十一歲

曹氏高修梅妻年二十八夫亡守節三十四年

李氏楚旺妻年二十一夫亡守節五十四年

曹氏王明堂妻年二十七夫亡守節四十一年

王氏劉名高妻年二十夫亡守節三十年

高氏趙楫妻年二十四夫亡守節三十九年

王氏李松齡妻年二十七守節卒年七十九歲

楊氏李步瀛妻年二十五守節卒年七十四歲

范氏劉玉燦妻年二十三守節卒年四十五歲

高氏柳棗村柳堦之妻二十五歲夫故計守節六十二年

孫氏城內武昌年之妻十九歲夫故計守節三十八年

高氏素邱村宋蔭棠之妻二十四歲夫故計守節三十四

年

田氏六品銜高修禮之妻二十八歲夫故守節現年六十

歲

高氏增生田卿元之妻二十八歲夫故守節現年六十七

歲

范氏城內周成章之妻二十歲夫故守節現年七十一歲

陳氏城內王書聲之妻二十八歲夫故守節現年六十七

歲

楚氏小河口村李鳴謙之妻二十一歲夫故守節現年五

十八歲

王氏城內張快來之妻二十八歲夫故守節現年六十四歲

牛氏城內王德堂之妻二十六歲夫故守節現年六十六歲

牛氏城內高麒麟之妻二十四歲夫故守節現年六十歲

鄭氏東陳村董徽玉之妻二十一歲夫故守節卒年六十歲

陳氏李家營王應運之妻二十五歲夫故守節卒年九十歲

王氏薛家營張文孟之妻十九歲夫故守節卒年七十五歲

王氏北河莊李逢泰之妻二十九歲夫故守節卒年六十歲

孫氏薛家營薛庭翼之妻二十六歲夫故守節現年六十歲

賈氏胡谷村劉如春之妻二十六歲夫故守節卒年七十歲

孫氏褚家莊岳明泰之妻二十八歲夫故守節現年六十歲

李氏城內王維綱之妻二十二歲夫故守節現年八十歲

崔氏南河莊貢生劉獻高之妻二十五歲夫故守節現年五十七歲

王氏西沙良村翟致中之妻二十三歲夫故守節現年六十歲

孫氏北沙良村鄭祥雲之妻二十四歲夫故守節現年六十八歲

高氏西沙良村李廷元之妻二十八歲夫故守節現年六十六歲

鄒氏曹伍疇高錫瓚之妻二十五歲夫故守節現年六十九歲

劉氏月城王琦之妻二十二歲夫故守節現年七十一歲

劉氏薛家營李富有之妻二十二歲夫故守節現年五十五歲

邢氏南曹村李玉田之妻二十六歲夫故守節現年六十三歲

牛氏城內陳光前之妻二十歲夫故守節現年六十九歲

馮氏賈家莊賈五之妻二十三歲夫故守節現年六十四歲

杜氏賈家莊高銘之妻二十三歲夫故守節現年五十三歲

張氏城內王雲升之妻二十五歲夫故守節三十八年
劉氏城內王步雲之妻二十二歲夫故守節現年七十一
歲

李氏城內王鼎象之妻十九歲夫故守節現年六十一歲
李氏王家莊監生程孟春之妻二十五歲夫故守節現年
六十三歲

常氏生員李秉璋之妻年二十七夫亡子二長祿次方俱
幼氏撫養成立後援例入 國學現年九十一歲



70000567

